

जगजीवन साहब की बानी

पहला भाग ➤

जिसमें

उन महात्मा के अति मनोहर और उपकारक पद चार
अंगों के मय जीवन-चरित्र बड़े जतन से शोध
कर गूढ़ शब्दों और कड़ियों के अर्थ
व संकेत सहित बाँपे गये हैं।



(All Rights Reserved)

[कोई साहित्य इस पुस्तक को बिना हमारी इजाजत के नहीं छाप सकता]

मुद्रक व प्रकाशक

बेलविडियर प्रिंटिंग वर्क्स,
इलाहाबाद ।

तृतीय संस्करण]

सन् १९६७ ई०

वीरू साहब (दिल्ली)

गारी साहब

बुल्ला साहब (सुरकुड़ा, जिला गाजीपुर)

जगजीवन साहब

गुलाल साहब

दूलमदास साहब

भीम्वानन्द साहब

गोविन्द साहब (अहिरीली, जिला फैजाबाद)

पलटू साहब (अयोध्या)

॥ अंगों का सूचीपत्र ॥

अंग	पृष्ठ
बिनती और प्रार्थना	१-३१
चेतावनी	३१-६७
गुरु और शब्द महिमा	६७-८४
कर्म भर्म निषेध और उपदेश सतगुरु व शब्द भक्ति का	८४-१०५

जगजीवन साहब का जीवन-चरित्र

जगजीवन साहब जाति के लुत्री थे और सरदहा गाँव में जो नारायंकी (अवध) के जिले में सरजू नदी के किनारे कोटवा से दो कोस की दूरी पर बसा है जन्म लिया था। ठीक समय इन के जन्म और मरन का मालूम नहीं होता लेकिन हिसाब करने से अनुमान दो सौ बरस पहिले उनका प्रगट होना और १४० बरस गुप्त हुए होना पाया जाता है। इसका प्रमान पादरी जान टामस के लेख से भी मिलता है जिन्होंने लिखा है कि जगजीवन साहब ने सत्तनामी मत को चलाया और विक्रमी सन्त १८१७ मुताबिक ईसवी सन १७६१ में ज्ञान प्रकाशक ग्रंथ लिखा। इस हिसाब से उस ग्रंथ को रचे १४७ बरस हुए। पादरी साहब ने जगजीवन साहब की जाति खत्री लिखी है पर यह भूल जान पड़ती है—उन्होंने ने लुत्री को खत्री समझा।

जगजीवन साहब के पिता खेती करते थे और लड़कपन में जगजीवन साहब अपने बाप के गाय बैल चराया करते थे परन्तु बाल्य अवस्था ही से इन के चित्त का संसारी कामों से हटाव और परमार्थ की ओर झुकाव था और साधुओं का संग जहाँ तक औसर मिलता करते थे। एक दिन एक पूरे फकीर बुल्ला साहब मय एक महात्मा गोविंद साहब के (जो पलटू साहब के गुरु थे) जिस मैदान में जगजीवन साहब पौधे चरा रहे थे पहुँचे और उनसे चिलम चढ़ाने के लिये आग माँगी। जगजीवन साहब तुरत अपने घर दौड़ कर गये और आग लाये और उसी के साथ दोनों महात्माओं के पीने को दूध भी लेते आये, पर जी में डरते थे कि बाप की मार न पड़े। उनके चित्त की यह दशा देख कर बुल्ला साहब ने हँस कर दूध ले लिया और बोले कि डरो मत हम लोगो को देने से तुम्हारे घर का दूध घटा नहीं बरन बढ़ गया। जगजीवन साहब अचरज में आकर उलटे पाँव घर को लौटे तो देखते क्या हैं कि दूध का बरतन नकानक भर कर उबल रहा है और सारे घर में मानो दूध की नदी बह रही है। जगजीवन साहब उन साधुओं के पीछे दौड़े जो वहाँ से चल दिये थे और कुछ दूर जाकर उनको पकड़ा और प्रार्थना की कि हम को मंत्र उपदेश करके अपना चेला बनाइये। बुल्ला साहब ने जवाब दिया कि कान में मंत्र फूकने की जरूरत नहीं है और साथ ही उन पर ऐसी दया की दृष्टि डाली कि जगजीवन साहब की दशा कुछ और ही हो गई और गहरा प्रेम और बैराग जाग उठा। फिर बुल्ला साहब बोले कि हम केवल तुम को चित्ताने के लिये आये थे तुम पिछले जन्म के बड़े अभ्यासी हो अब थोड़े ही दिन के अभ्यास से तुम्हारा जोग पूरा हो जायगा। जगजीवन साहब ने उन के चरणों पर गिर कर प्रार्थना की कि कोई चिन्ह अपना देते जाइये जिस पर बुल्ला साहब ने अपने हुक्के में से एक काला धागा और गोविंद साहब ने अपने हुक्के में से सफेद धागा तोड़ कर उन की दहनी कलाई पर बाँध दिया। यह चाल दहनी कलाई पर काला और सफेद धागा बाँधने की जगजीवन साहब के पथ वालों में जो सत्तनामी कहलाते हैं अब तक जारी है और इस दोरगे धागे को आँदू कहते हैं।

फिर तो जगजीवन साहब तन मन की सुद्ध विचार कर अभ्यास और भक्ति में लगे और दूर-दूर से लोग उनके दर्शन और उपदेश लेने के निमित्त आने लगे। यह महिमा उनकी देख कर गाँव वालों को ईर्ष्या प्रेरित हुई और उनकी सत्ताने का कोई जतन उठा नहीं सका। जगजीवन

साहब उनसे पीछा छुड़ाने के लिये सरदहा गाँव को छोड़ कर कोटवा में जा रहे। कहते हैं कि उनके जाते ही सरदहा गाँव की सरजू नदी बहा ले गई।

कोटवा में जगजीवन साहब की समाधि और सातवीं गद्दी अब तक मौजूद है और हर साल उन के पंथ वालों और साधारण लोगों का बड़ा भारी मेला होता है पर और पुराने मतों की तरह इस में भी अब सच्चे श्रद्धासी देख नहीं पड़ते।

जगजीवन साहब गृहस्थ आश्रम में थे। उन के विषय में कितने चमत्कार प्रसिद्ध हैं जिन में से एक यह है कि उन की लड़की का ब्याह राजा गोंडा के लड़के से ठहरा। जब बरात आई समझी ने बिना मांस के भोजन करने से इनकार किया। इस पर जगजीवन साहब ने मौज से बैंगन की तरकारी बनवा दी जिसे सब बरातियों ने मांस समझ कर बड़ी रुचि से खाया। इसी कारन उनके पंथ वाले बैंगन को मांस के तुल्य समझ कर उस को नहीं खाते।

जगजीवन साहब पूरे संत थे जिन की ऊँची गति उनकी बानी पुकारती है। संपूर्ण बानी रत्न-जटित है जिस के अंग अंग से भेद, दीनता और प्रेम टपकता है और पाठ करने से चित्त गद्गद होकर प्रेम के घाट पर आ जाता है। इनके गुरु बुल्ला साहब की बानी भी बड़े ऊँचे घाट की और अत्यन्त कोमल है जो छुप गई है।

जगजीवन साहब का अति मनोहर ग्रंथ शब्द-सागर है जिस का पहिला भाग यह है जो दो लिपियों से मिलान करके अंगों के क्रम अनुसार भरसक बहुत शुद्धता के साथ छपा गया है। दूसरा भाग भी जिस में और और अंग हैं अब छप गया है।

इस के सिवाय पादरी जान टामस लिखते हैं कि जगजीवन साहब के दो ग्रंथ ज्ञानप्रकाश और महाप्रलय और हैं। इन ग्रंथों को हमने नहीं देखा है। पहिली पुस्तक के विषय में पादरी साहब कहते हैं कि वह महादेव और पारवतीजी के बीच प्रश्नोत्तर के रूप में है पर उस का विषय क्या है यह नहीं बतलाया—जाहिर में जैसा कि नाम से जान पड़ता है ज्ञान पर सम्वाद होगा। दूसरी पुस्तक में इस तरह चर्चा की है कि भक्त जन सब के बीच में रह कर सब से अलग है, वह सब जानता है किसी से पूछने का मुहताज नहीं है वह न जनमता न मरता है न सीखता न सिखाता है, न रोता न पछताता है, उस को न दुख व्यापता है न सुख, न न्याय न अन्याय, इत्यादि—फिर पूछा है कि ऐसे पुरुष का कोई पता बतला सकता है।

जगजीवन साहब के गुरुमुख चले दूलमदास जी थे जिन का नाम प्रसिद्ध है।

श्रीमहन्त राजारामजी बड़ागाँव जिला बलिया की कृपा से हम को जगजीवन साहब के गुरु-घराने की बशावली का वृत्त मिला है जो यहाँ छपा जाता है। उससे जान पड़ेगा कि कैसे-कैसे भारी भक्त और महात्मा इस गुरु-घराने में हुए हैं, और पलटू साहब जिन की अद्भुत कुडलियाँ और शब्दावली हम छाप चुके हैं और भीखा साहब जिन की शब्दावली जो छप गई है घरानेके थे।

नोट :—बंशावली तथा सूची भीतरी टाइटिल पेज के पीछे देखिये।

जगजीवन साहब की बाची

बिनती और प्रार्थना

॥ शब्द १ ॥

सतगुरु मैं तो अहाँ तिहारा ।

पूजा अर्चा नाहीं जानों, जानों नाम पियारा ॥ १ ॥

सो हित सदा होत नहिं अनहित, बास किहे संसारा ।

कहत हों दीन लीन रहों तुम तैं, तुम ब्रत राखनहारा ॥ २ ॥

अंतर ध्यान गगन है मगना, निरखों रूप तिहारा ।

पुहुप गूँधि कै माला लैके, सो पहिराओं हारा ॥ ३ ॥

पान चून औ खैर सुपारी, गरी जायफर डारा ।

कपुर लाइची मेरिया^१ वा में, पूजा यही हमारा ॥ ४ ॥

कटहर कोआ मेवा लायों, सोऊ पवावों^२ प्यारा ।

कनक नीर कर ते मुख धोओं, तकि के चरन पखारा ॥ ५ ॥

सो चरनामृत नित पियो है, सुभ भा जन्म हमारा ।

जगजीवन को दिहे रहहु यह, दाता होहु हमारा ॥ ६ ॥

॥ शब्द २ ॥

प्रभु गति जानि नाहीं जाइ ।

अहै केतिक बुद्धि केहि महँ, कहै को गति गाइ ॥ १ ॥

सेस सम्भू थके ब्रह्मा, बिस्तु तारी लाइ ।

है अपार अगाध गति प्रभु, कहूँ नाहीं पाइ ॥ २ ॥

भान गन ससि तीनि चौथौ, लिया छिनहि बनाइ ।

जोति एकै कियौ बिस्तर, जहाँ तहाँ समाइ ॥ ३ ॥

सीस दैकै कहों चरनन, कबहुँ नहिं बिसराइ ।

जगजीवन के सत्य गुरु तूम, चरन की सरनाइ ॥ ४ ॥

॥ शब्द ३ ॥

तुम ते कहै को बारम्बार ।
 जानिये हित आपनो, मो राखिये दरबार ॥ १ ॥
 ठरौ ना मैं करहुँ सेवा, कठिन माया जार ।
 समुझि सो डर होत निसु दिन, तारु अब को बार ॥ २ ॥
 नहीं गुन कछु अहै एकौ, औगुन अधिकार ।
 करहु माफ गुनाह जैसे, मातु पालत बार^१ ॥ ३ ॥
 जात जानी दयति^२ अब, प्रभु मोहिं है इतवार ।
 जगजीवन निरबाहिये, प्रभु जवन कीन करार ॥ ४ ॥

॥ शब्द ४ ॥

महिं ते करि न बंदगी जाइ ।
 सुद्धि तुमहीं बुद्धि तुमहीं, तुमहिं देत लखाइ ॥ १ ॥
 केतनि हौं गनती मैं केतो, कहि न सकौ बनाइ ।
 चहे चरन लगाइ राखी, चाहिये बिसराइ ॥ २ ॥
 देवता मुनि जतो सुर सब, रहे तारी लाइ ।
 पढ़ै चारिउ बेद ब्रह्मा, गाइ गाइ सुनाइ ॥ ३ ॥
 भस्म अंग लगाइ संकर, रहे जोति मिलाइ ।
 कौन जानै गति तुम्हारो, रहे जहँ तहँ छाइ ॥ ४ ॥
 जानिये जन आपना मोहिं, कबहुँ ना बिसराइ ।
 जगजीवन पर करहु दाया, तबहिं भक्त कहाइ ॥ ५ ॥

॥ शब्द ५ ॥

अब मैं कवन गनती आउ ।
 दियो जबहि लखाइ महि कहँ, तबहिं सुमिरौ नाउ ॥ १ ॥
 समुझि ऐसे परत मोहि कहँ, बसे सरबस ठाउँ ।
 अहो न्यारे कहँ^३ नाहीं, रूप की बलि जाउँ ॥ २ ॥

नाम का बल दियो जेहि कहँ, राखि निर्भय गाउँ ।
काल को डर नहीं उहवाँ, भला पायो दाउँ ॥ ३ ॥
चरन सीसहिं राखि निरखी, चाखि दरस अघाउँ ।
जगजीवन गुर करहु दाया, दास तुम्हरा आउँ ॥ ४ ॥

॥ शब्द ६ ॥

अब मोहिं जानु आपन दास ॥ टेक ॥
सीस चरन में रहै लागो, और करौं न आस ।
दियो मोहिं उपदेस तुमहीं, आइ तुम्हरे पास ॥ १ ॥
लियो ढिग बैठाइ कै जग, जानि सबै निरास ।
भला है अस्थान अम्मर, जोति है परगास ॥ २ ॥
करौं बिनती बहुत बिधि ते, दीजिये विस्वास ।
गति तुम्हारी कौन जानै, जगजीवन है दास ॥ ३ ॥

॥ शब्द ७ ॥

बिनती लेहु इतनी मानि ।
कहौं का कहि जात नाही, कवन अहौं केतानि ॥ १ ॥
कियो जबहीं दया तुमहीं, लियो संतन छानि ।
रूप नीक लखाय दीन्ह्यौ, होत लाभ न हानि ॥ २ ॥
रहत लागे सदा आगे, सबद कहत बखानि ।
लागि गा सो पागि गा, पुनि गगन चढ़ि ठहरानि ॥ ३ ॥
निरमल जोति निहारि निरखत, होत अनहद बानि ।
जगजिवन गुरु की भई दाया, लियो मन महँ छानि ॥ ४ ॥

॥ शब्द ८ ॥

साँई को केतानि गुन गावै ।
सूझि बूझि तस आवै तेहि का, जेहि का जौन लखावै ॥ १ ॥
आपुहि भजत है आपु भजावत, आपु अलेख लखावै ।
जेहि कहँ अपनी सरनहिं राखै, सोई भगत कहावै ॥ २ ॥

टारत नहीं चरन ते कबहुँ, नहि कबहुँ बिसरावै ।
 सूरति खैंचि ऐंचि जब राखत, जोतिहिं जोत मिलावै ॥ ३ ॥
 सतगुर कियो गुरुमुखी तेहि काँ, दूसर नाहिं कहावै ।
 जगजीवन ते भे संग बासी, अंत न कोऊ पावै ॥ ४ ॥
 ॥ शब्द ९ ॥

अब मैं करौ कौन बयान ।
 चहौ पल में करहु सोई, होय सो परमान ॥ १ ॥
 सहस जिभ्या सेस बरनत, कहत बेद पुरान ।
 मोहिं जैसो करहु दाया, करहुँ तैसि बखान ॥ २ ॥
 संतन काँह सिखाइ लीन्ह्यो, कहत सोई ज्ञान ।
 लागि पागि कै रहै अन्तर, मस्त रहत निर्बान ॥ ३ ॥
 रहे मिल तुम्ह नहीं न्यारे, कबहुँ नहिं बिलगान ।
 जगजीवन धरि सीस चरनन, नहीं भावै आन ॥ ४ ॥

॥ शब्द १० ॥

अब मैं कहौ का कछु ज्ञान ।
 बुद्धि हीनं सुद्धि हीनं, हौं अजान हैवान ॥ १ ॥
 ब्रह्म सेस महेस सुमिरत, गहै अन्तर ध्यान ।
 संत तंते रहत लागे, कहत ग्रंथ पुरान ॥ २ ॥
 जोति एकै अहै निर्मल, करै सबै बयान ।
 जहाँ जैसै भाव आहै, भयो तस परमान ॥ ३ ॥
 करौ दाया जानि आपन, नहीं जानहुँ आन ।
 जगजीवन दास सत्य समरथ, चरन रहु लिपटान ॥ ४ ॥

॥ शब्द ११ ॥

साँई मैं नहीं कछु जाना ॥ टेक ॥
 बाल बुद्धि कछु नाहिं जान्यो,
 रह्यो सदा हैवाना ।

करि कुसंग कुमारग डोब्यौ,
निसि बासर अभिमाना ॥ १ ॥

नहिं मति मोरि कहौ मैं कहँ लगि,
तुम सब कृपा-निधाना ।

मोहिं सिखाई पढ़ाइ दृढ़ावहु,
तबहिं धरौ मैं ध्याना ॥ २ ॥

मैं बपुरा केतनि किन माहीं,
करि नहिं सकौ बखाना ।

जगजीवन पर दाया करिये,
गुरु निरखै निरवाना ॥ ३ ॥

॥ शब्द १२ ॥

साँई जब तुम मोहिं बिसरावत ।
भूलि जात भोजाल जगत माँ,
मोहिं नहीं कछु आवत ॥ १ ॥

जानि परत पहिचान होत जब,
चरन सरन लै आवत ।

तब पहिचान होत है तुम ते,
सुरति सुरति मिलावत ॥ २ ॥

जो कोइ चहै कि करौ बंदगी,
बपुरा कौन कहावत ।

चाहत खैचि सरन ही राखत,
चाहत दूरि बहावत ॥ ३ ॥

हौं अजान अज्ञान अहौं प्रभु,
तुम ते कहि कै सुनावत ।

जगजीवन पर करत हौ दाया,
तेहि ते नहिं बिसरावत ॥ ४ ॥

॥ शब्द १३ ॥

प्रभुजी का बसि अहै हमारी ।

जब चाहत तब भजन करावत,

चाहत देत बिसारी ॥ १ ॥

चाहत पल छिन छूटत नाही,

बहुत होत हितकारी ।

चाहत डोरि सूखि पल डारत,

डारि देत संसारी ॥ २ ॥

कहँ लहि विनय सुनावौं तुम ते,

मैं तो अहौं अनारी ।

जगजिवन दास पास रहै चरनन,

कबहुँ करहु न न्यारी ॥ ३ ॥

॥ शब्द १४ ॥

बंदा कौन बंदगी करई ।

रात दिवस मिलि करै बंदगी,

जो पै कबूल न परई ॥ १ ॥

चाहत है मैं रहौं चरन ठिग,

हृद है धरनी धरई ।

साँई चहत मोर है नाही,

दूर दूर है रहई ॥ २ ॥

जोगी जती मुनि जब सब थाके,

करि कै तपस्या मरई ।

नाहीं हित करि जानत आपन,

नाहिं काज कछु सरई ॥ ३ ॥

आपु बंदगी करत करावत,

जेहिं पर किरपा करई ।

जगजिवन दास बिनती करि,

बिनवै सीस चरन तर धरई ॥ ४ ॥

॥ शब्द १५ ॥

प्रभु जी तुम जानत गति मेरी ।

तुम ते छिपा नहीं आहै कछु,

कहा कहीं मैं टेरी ॥ १ ॥

जहँ जहँ गाढ़ परयो भक्तन कां,

तहँ तहँ कीन्ह्यो फेरी ।

गाढ़ मिटाय तुरन्तहि डारयो,

दीन्ह्यो सुख घनेरी ॥ २ ॥

जुग जुग होत ऐसै चलि आवा,

सो अब साँझ सबेरी ।

दियो जनाय सोई तस जानै,

बास मनहिं तेहि केरी ॥ ३ ॥

कर औ सीस दियो चरनन महँ,

नहिं अब पाछे हेरी ।

जगजीवन के सतगुरु साहब,

आदि अंत तेहि करो ॥ ४ ॥

॥ शब्द १६ ॥

प्रभु बिन किरपा भक्ति न होय ।

कर्म अघ तेहि मेटि डारयो, मंत्र सिखयो सोय ॥ १ ॥

तिरथ बरतं करि तपस्या, डारि यहु तन खोय ।

नाहि लाहत नाम रस बहु, नाहि दृढ़ता होय ॥ २ ॥

कोटि तीर्थ अस्नान करि कै, सैन रहे समोय ।

ऐस करि कै बिचार नाहीं, रहे मन मन रोय ॥ ३ ॥

पढ़ि पुरान ग्रंथ गीता, वक्त कीरति सोय ।
 नहीं अजपा डोरि लागै, भक्ति कैसे होय ॥ ४ ॥
 हो दयाल निहाल कर मोहिं दूजा नाहिन कोय ।
 जगजीवन को चरन गुरु के, नहीं न्यारा होय ॥ ५ ॥

॥ शब्द १७ ॥

प्रभु जो बुद्धि मोहिं केतानि ।
 दया जब तुम कीन मो पर, कह्यौ ज्ञान वस्त्रानि ॥ १ ॥
 भ्रमत रह्यौ अपंथ मारग, परयो जाही जानि ।
 कहाँ लहि मैं कहौ औगुन, महा अध की खानि ॥ २ ॥
 मेदि सकल गुनाह औगुन, सरन लीन्ह्यो आनि ।
 जानि हित करि आपना मोहिं, और नाहीं मानि ॥ ३ ॥
 कहत हौं कर जोरि सुनिये, मोरि अन्तर जानि ।
 जगजिवन दास तुम्हार आहै, तुमहिं लियो पहिचानि ॥ ४ ॥

॥ शब्द १८ ॥

मैं तौ दास तुम्हार नहावौं ।
 तुम तजि और न जानौं कोई,
 औरै सीस न नावौं ॥ १ ॥
 चरन तुम्हारे लागि रहौं मैं,
 और सबै बिसरावौं ।
 तुमहीं ते निरबाह हमारा,
 तुम्हरी कीरति गावौं ॥ २ ॥
 चलोँ दीनता है कै सब ते,
 नाहिं विवाद बढ़ावौं ।
 जो कोइ कीन जानि है मोहीं,
 तेहि का दूर बहावौं ॥ ३ ॥

आदि अन्त का आहों संगी,
 त्यागि न अन्तै वावों ।
 जब तुम खुसी सुचित्त होत हों,
 तब मैं सुरति मिलावों ॥ ४ ॥
 अपने अपने रँग रस माते,
 केहि केहि राह लगावों ।
 जगजीवन गुरु चरनन परि कै,
 नाहीं सीस उठावों ॥ ५ ॥

॥ शब्द ३६ ॥

साई इतनी बिनती मोरि ।
 माँगत हों कर जोरि कै तुम ते,
 लागि रहै दृढ़ डोरि ॥ १ ॥
 रह्यो अजान नहीं मैं जान्यो,
 बहुत हीन मति थोरि ।
 जब ते कृपा करि आपन जान्यो,
 तब ते सकों का तोरि ॥ २ ॥
 अब उसवास^१ न एकौ मानों,
 चाखि नाम रस घोरि ।
 सदा भरोसा आस तुम्हारी,
 भर्म फंद ते तोरि ॥ ३ ॥
 चरन ते सीस टरै नहि टारे,
 दीजै हमहि न खोरि ।
 जगजिवन दास तुम्हार कहावै,
 सतसंगति गहि पोढ़ि ॥ ४ ॥

॥ शब्द २० ॥

अब मोर मनुवां समुझि डेरात ।

वहि दिन का मोहिं संसा व्यापत,

कछु गति जानि न जात ॥ १ ॥

काम न आइहि कोउ काहू के,

नारि बंधु पितु मात ।

धोखा देखि सबै कोउ भूला,

थिर नाहीं सब जात ॥ २ ॥

जन्म पाइ जो जानै नाहीं,

कौनि कहौ कुसलात ।

जगजीवन साईं तुम तारहु,

तुमहि हाथ सब बात ॥ ३ ॥

॥ शब्द २१ ॥

अब सुनि लीजै इतनी हमारी ।

लागी रहै प्रीति निसि बासर,

दास को अपने नाहिं बिसारो ॥ १ ॥

जो मैं चहौं कहि कहँ लौ सुनावों,

औगुन कर्म बहुत अधिकारी ।

सरन चरन की राखि आपनी,

यहु कछु मन में नाहिं बिचारो ॥ २ ॥

काया यहि कर्महि की आहै,

आपु ते नाहीं जात सँवारो ।

भौसागर हित जानि बूढ़ जग,

जेहि जान्यो तेहि लियो उबारो ॥ ३ ॥

लोजै राखि भाखि कहौं तुम ते,
केतिक बात लियो अनगन^१ तारी ।

जगजीवन के साईं समरथ,
अपने निकट ते कबहुँ न टारी ॥ ४ ॥
॥ शब्द २२ ॥

साईं मैं नहिं आप का चीन्हा ।
को मैं आहुँ कहाँ ते आयो,
तुम हीं सब कछु कीन्हा ॥ १ ॥

बिंदम बुंद बनायो जामा,
सो पहिराइ कै दीन्हा ।
रहि दस मास अग्नि महँ बासा,
तहँ तुम रच्छा कीन्हा ॥ २ ॥

बाहर होत पियत पय बिसरयो,
वह सुधि सब हरि लीन्हा ।
बाल तरुन फिर बृद्ध भये जब,
तबहुँ विचार न कीन्हा ॥ ३ ॥

अब दाया करि दास जानि कै,
आपन करि कै लीन्हा ।

जगजीवन निरगुन छवि देखै,
चरन कमल चित दीन्हा ॥ ४ ॥

॥ शब्द २३ ॥

तुम सों मन लागो है मोरा ।
हम तुम बैठे रही अटरिया,
भला बना है जोरा ॥ १ ॥

सत की सैज बिछाय सूति रहि,

सुख आनन्द धनेरा ।

करता हरता तुमहीं आहुहु,

करों मैं कौन निहोरा ॥ २ ॥

रह्यौ अजान अब जानि परयो है,

जब वितयो एक कोरा ।

अब निर्बाह किये बनि आइहि,

लाय प्रीति नहि तोरिय डोरा ॥ ३ ॥

आवा गमन निवारहु साईं,

आदि अंत का आहिउ चोरा ।

जगजीवन बिनती करि माँगै,

देखत दरस सदा रहौ तोरा ॥ ४ ॥

॥ शब्द २४ ॥

साँई मोहिं ते सुमिर न जाई ।

पाँच अपरबल जोर अहैं एइ,

इन ते कछु न बिसाई ॥ १ ॥

निसि बासर कल देहि नहीं एइ,

मोहिं औरै राह लगाई ।

जो मैं चहौं गहौं तुव चरना,

इन छिन छिन भरमाई ॥ २ ॥

साथ सहेली लिहे पचीसों,

अपन अपन प्रभुताई ।

जो मन आवै सोई ठानै,

हठ हटाक देहि भटकाई ॥ ३ ॥

महल माँ टहल करै नहि पावा,

केहि विधि आवहुँ धाई ।

ऊँचे चढ़त आनि कै रोकत,
मानहिं नहीं दोहाई ॥ ४ ॥

अब करु दाया जानि आपना,
बिनय कै कहौ सुनाई ।
जगजीवन कै इतनी बिनती,
तुम सब लेहु बनाई ॥ ५ ॥

॥ शब्द २५ ॥

साईं मैं तो बड़ा अनारी ।
कुमति प्रसंग बास नर्कहिं मा,
आवत नाहिं बिचारी ॥ १ ॥

परधौ अपरबल महा मोह महँ,
सुधि वह नाहि सँभारी ।

गुन नाही औगुन सब बहु विधि,
बिसरी सुरति हमारी ॥ २ ॥

केतौ करि उपाय मैं थाक्यों,
मैं मन मान्यों हारी ।

अब दाया करि चरन लाई कै,
निकट ते कबहुँ न टारी ॥ ३ ॥

देहु सिखाइ पढ़ाइ ज्ञान मोहिं,
करहु योग अधिकारी ।

जगजीवन को चरन तुम्हारे,
सूरति रहौ निहारी ॥ ४ ॥

॥ शब्द २६ ॥

साईं कुदरति अजब तुम्हारी ।
तुम हहु अजब अजब हैं बन्दे,
मैं तुम्हरी बलिहारी ॥ १ ॥

दुनिया अजब धंध मा लागी,
 सुधि बुधि नाहिं सँभारी ।
 आये फूटि दूटि गारत भे,
 का सों कहौं पुकारी ॥ २ ॥
 समुझै बूझै बूझै नाहौं,
 शब्द कही कहि हारी ।

सो अँदेस होत मन मोरे,
 का धौं करहि बिचारी ॥ ३ ॥
 आये कहँ ते फिरि कहँ जैहँ,
 कहँ ग्रह ग्राम सँवारी ।

भूले फिरहिं मोह मद माते,
 इहँ हहिं दिन दुइ चारी ॥ ४ ॥

जेहिं अपनाइ कै चेत चितायौ,
 तिन सत सुरति सँभारी ।
 जगजीवन मूरति मा मिलि गे,
 नैन सों निरखि निहारी ॥ ५ ॥

॥ शब्द २७ ॥

सतगुरु समरथ साहब चरनन पर वारी ॥ टेक ॥
 हौं अज्ञान बुद्धिहीन सुद्धि ना सँभारी ।
 कर दोऊ तन सीस दीन्ह्यौ गोद हौं तुम्हारी ॥ १ ॥
 राखिये अब सरन अपनी कर्म ना बिचारी ।
 नेग^१ जन्म भर्म के रे डारिये मिटा री ॥ २ ॥
 हौं तुम्हार आदि अन्त देहु ना बिसारी ।
 ऐसी भाँति दिन राति चित ते न टारी ॥ ३ ॥

बिनय करि कै कहत हौं सुनि लीजिये हमारी ।
जगजीवन का और ना पनाह है तुम्हारी ॥ ४ ॥
॥ शब्द २८ ॥

बालक बुद्धि हीन मति मोरी ।
भरमत फिरौं नाहिं दृढ़ डोरी ॥ १ ॥
सूरति राखौ चरनन मोरी ।
लागि रहै कबहुँ नहिं तोरी ॥ २ ॥
निरखत रहौं जाउँ बलिहारी ।
दास जानि कै नाहिं बिसारी ॥ ३ ॥
तुमहिं सिखाय पढ़ायो ज्ञाना ।
तब मैं धर्यौ चरन का ध्याना ॥ ४ ॥
साईं समरथ तुम हौ मोरे ।
बिनती करौं ठाढ़ कर जोरे ॥ ५ ॥
अब दयाल है दाया कीजै ।
अपने जन कहँ दरसन दीजै ॥ ६ ॥
नाम तुम्हार मोहिं है प्यारा ।
सोइ भजे घट भा उजियारा ॥ ७ ॥
जगजीवन चरनन दियो माथ ।
साहब समरथ करहु सनाथ ॥ ८ ॥

॥ शब्द २९ ॥

तेरा नाम सुमिरि ना जाय ।
नहीं बस कछु मोर आहै, करहुँ कौन उपाय ॥ १ ॥
जबहिं चाहत हितू करि कै, लेत चरनन लाय ।
बिसरि जब मन जात आहै, देत सब बिसराय ॥ २ ॥
अजब ख्याल अपार लीला, अंत काहु न पाय ।
जीव जंत पतंग जग महँ, काहु ना बिलगाय ॥ ३ ॥

करैं बिनती जोरि दुउ कर, कहत अहाँ सुनाय ।
जगजीवन गुरु चरन सरन, हँ तुम्हार कहाय ॥ ४ ॥

॥ शब्द ३० ॥

मैं तौ अरज करैं दरबार ।
भौसागर तकि भरम होत मोहिं,
अब की उतारहु पार ॥ १ ॥

औगुन बहुत नहीं गुन एकौ,
काम करत बिन कार ।
पग बिहीन कर नाहीं जिन के,
ताहि खवावत चार ॥ २ ॥

बुद्धि हीन सुधि हीन अहाँ मैं,
का करि सकौं बिचार ।
अहाँ भरोसे सदा तुम्हारे,
तुम प्रति पालनहार ॥ ३ ॥

सुनियत ग्रंथ पुरान कहत अस,
बहुतन करि निस्तार ।
छिनहि निहाल किहेउ प्रभु बहुतन,
द्विज के दारिद मार ॥ ४ ॥

अब दाया करिये प्रभु इतनी,
आवै मोहिं इतबार ।

जगजीवन चरनन परि बिनवै,
मन ना बहै हमार ॥ ५ ॥

॥ शब्द ३१ ॥

हम तें चूक परत बहुतेरी ।
मैं तौ दास अहाँ चरनन का, हम हूँ तन हरि हेरी ॥ १ ॥

बाल-ज्ञान प्रभु अहै हमारा, झूठ साँच बहुतेरी ।
 सो औगुन गुन का कहौं तुम तैं, भौसागर तैं निबेरी ॥ २ ॥
 भव तैं भागि आयौं तुव सरनै, कहत अहौं अस टेरी ।
 जगजीवन की बिनती सुनिये, राखौ पत जन केरी ॥ ३ ॥

॥ शब्द ३२ ॥

अब तुम होहु दयाल तुम्हारी पैयाँ परौं ॥ टेक ॥
 सूझत नहिं मैं भ्रमत फिरत हौं,
 पर्यौं मोह के जाल ॥ १ ॥
 नाम तुम्हार सुमिरि नहिं आवै,
 जग संगति जंजाल ॥ २ ॥
 आवत जब सुधि वहै समय की,
 व्याकुल होहुँ बेहाल ॥ ३ ॥
 हाथ पाँव मेरे बल नहीं है,
 तुमहिं करहु प्रतिपाल ॥ ४ ॥
 जगजीवन काँ दरसन दीजै,
 अब मोहिं करहु निहाल ॥ ५ ॥

॥ शब्द ३३ ॥

बार बार कहि बिनय सुनावौं ।
 तुम्हरी कृपा तैं सुरति लगावौं ॥ १ ॥
 अनत न जाऊँ जाऊँ बलिहारी ।
 सुरति कबहुँ रहै न न्यारी ॥ २ ॥
 जब तुम चहुहु रहाँ तब पासा ।
 कृपा करहु तब बसि बिस्वासा ॥ ३ ॥
 दास केर बस एकौ नहीं ।
 तुम जानौ जानै मन माहीं ॥ ४ ॥

जब तुम जन का देत जनाई ।

तब मन भजत अहै लौ लाई ॥ ५ ॥

दूजा कौन है काहि बतावौ ।

कृपा करहु तब ना बिसरावौ ॥ ६ ॥

जगजीवन कहै विनय सुनाई ।

सतगुरु चरन बिसरि नहिं जाई ॥ ७ ॥

॥ शब्द ३४ ॥

साईं को गति गावै तेरी ।

जेहि जस ज्ञान बयान कीन्ह तस,

सूरत बास वसे री ॥ १ ॥

ब्रह्मा सनक सनंदन सक्ती,

संकर सहस फने री ।

बिस्तु सत्य रस चाखि मस्त है,

गावत ज्ञान वनेरी ॥ २ ॥

अंत अनंत ध्यान तेहि कीन्है,

मे सतलोक वसेरी ।

नाम अधार बिचारत ज्यों जग,

सन्मुख पलक न फेरी ॥ ३ ॥

जेहि हित जानि दया दुख काट्यौ,

भौजल धार निवेरी ।

जगजीवन बिस्वास तुम्हारी,

टूटी भ्रम की वेरी ॥ ४ ॥

॥ शब्द ३५ ॥

चरन सरन अब आयौं, मैं नहिं जानी रे ॥ टेक ॥

मैं अजान अज्ञान है, कछु सुधि न सँभारी रे ।

अंध रह्यो सूझा नहीं, भूत्यों संसारी रे ॥ १ ॥

पाँच भ्रमत जहँ तहाँ, एक नहिं आयो रे ।
 मोरि लागु नहिं अहै, ता ते विसरायो रे ॥ २ ॥
 मिलि पचीस तेहि सँग, मोहिं बहुरि दिखायो रे ।
 नाचि नाचि मोहि लियो, नाम नहिं आयो रे ॥ ३ ॥
 मैं तौ मद माता फिर्यो, चित ठहर न आना रे ।
 भा गुमान रस पाय तेहि, सुधि बुधि हैवाना रे ॥ ४ ॥
 कठिन जार भ्रम फाँसि है जग, बँधा संसारा रे ।
 जेहि का तुम दाया करी, तोहि भयो उबारा रे ॥ ५ ॥
 न्यारे तुम्हरे दास भे, लिस नहिं काहू माहीं रे ।
 जगत कद्वै हम महँ अहँ, वै तुमहीं माहीं रे ॥
 औगुन क्रम सब मेटिये, सुनु कृपा-निधाना रे ।
 जगजीवन दास तुम्हार है, चरनन लिपटाना रे ।

॥ शब्द ३६ ॥

बिनती सुनिये कृपा-निधान ।

जानत अहौ जनावत तुमहीं, का करि सकौं बयान ॥ १ ॥
 खात पियत जो डोलत बोलत, और न दूसर आन ।
 ब्यापि रह्यो कहूँ चेत सरन करि, काहू भ्रम भुलान ॥ २ ॥
 माया प्रबल अंत कछु नाहीं, सो मन समुझि डरान ।
 अब तो सरन और ना जानौं, करिहौं सो परमान ॥ ३ ॥
 सुद्धि बुद्धि कछु नाहीं मोरे, बालक जैसे अजान ।
 मात सुतहि प्रीतिपाल करत है, राखत हित करि प्रान ॥ ४ ॥
 मैं केतानि कवनि गिनती महँ, गावत वेद पुरान ।
 जगजीवन का आपन जानहु, चरन रहे लिपटान ॥ ५ ॥

॥ शब्द ३७ ॥

साँई में तुम्हरी बलिहारो ।

कहाँ काह कहि आवत

तन तुम पर वारी ॥ १ ॥

देखत अहों खरो ताम्रोवर^१, भलकै जोति तुम्हारी ।
 केहु भरमाय देत माया महुँ, केहु करत हितकारी ॥ २ ॥
 देखत अहहुँ खेलत सब महुँ को करि सकै विचारी ।
 करता हरता तुम हीं आहौ अजब बनो फुलवारी ॥ ३ ॥
 दासन दास कै मोहि जानिये जानत अहौ हमारी ।
 जगजीवन दियो सीस चरन तर कबहुँ नाहिं बिसारी ॥ ४ ॥

॥ शब्द ३८ ॥

साईं मैं अजान अज्ञाना ।

जानों नहीं बूझि नहि आवै भरमत फिरों भुलाना ॥ १ ॥
 हौ समरत्य सिद्धि के दाता मोहिं सिखावहु ज्ञाना ।
 करों सो जानि जनाय देव जब धरों चरन कै ध्याना ॥ २ ॥
 दीन लीन सुभ सुमन सुमारग यह बर दोजै दाना ।
 आवै दृष्टि दिस देखत रहीं परगट करों बयाना ॥ ३ ॥
 काहुँ^२ रहीं सरन नहिं छूटै तुम तजि भजों न आना ।
 जगजीवन कर जोरि कहैं यह निरखत रहीं निरवाना ॥ ४ ॥

॥ शब्द ३९ ॥

अब मैं कासों कहीं सुनाई ।

केहु घट की छापी नाहीं, जोति रही सब छाई ॥ १ ॥
 तुम हीं ब्रह्मा तुम हीं बिस्नू, संभू तुमहिं कहाई ।
 सक्ती सेस गनेस तुम्हीं हौ, दूजा नहि कहि जाई ॥ २ ॥
 बासा सब महुँ अहै तुम्हारो, नहीं कहूँ बहराई^३ ।
 जानि ऐसी परत मोहिं का, चरन सरन महुँ आई ॥ ३ ॥
 दुख दे फिर दुख मेटत, सुख देत अधिकाई ।
 दास आपन जानौ जिन का, तिन के रहौ सहाई ॥ ४ ॥

तुम ही करता तुम ही हरता, सृष्टी तुमहि बनाई ।
जगजीवन के सत्तगुरु तुम, कौन कहै गोहराई ॥ ५ ॥

॥ शब्द ४० ॥

मेरे गुनाह माफ करिये अब साईं ॥ टेक ॥

जैसे मातु सुतहिं पालत छीर दै पियाई ।

लिये गोद रहै निसु दिन कबहुँ ना धिनाई ॥ १ ॥

रहै सुखित दुख नहिं कर ते ले उठाई ।

कंठ लावै मुख चूमै हुलसि के हँसाई ॥ २ ॥

सुतहिं दुख दुखित मातु कछु ना सुहाई ।

इहै मोर बिनती जानु राखु ऐसी नाई ॥ ३ ॥

पतित अनेक तारि लीन्हे गनत ना सिराई ।

मेदि औगुन छिनक माहिं लयो है अपनाई ॥ ४ ॥

सुने ते बिस्वास आवत वेद सब्द गाई ।

सूक्ति सत मत परा जबहीं दियो तबहिं लखाई ॥ ५ ॥

बुद्धि केतनि अहै मोहिं माँ करों का कबिताई ।

जगजीवन का करहु आपन चरनन में लिपटाई ॥ ६ ॥

॥ शब्द ४१ ॥

अब मैं करों धौं कौन उपाई ।

मैं चाहौं निस बासर सुमिरौं, तुम डारत बिसराई ॥ १ ॥

तुम जब जानत तब मैं जानत, तब हीं मोहिं सुधि आई ।

सुभक्त बूभक्त जानि परै तब, रहत हौं सुरति लगाई ॥ २ ॥

है केतनि मति कहीं कहाँ लहि, तुम ते कहा छिपाई ।

जल थल घट घट सबके मन महँ, जहँ तहँ रह्यो समाई ॥ ३ ॥

ब्रह्मा सिव औ बिस्तु के राचित, वहि मन रह्यो समाई ।

जगजीवन जब कृपा तुम्हारी, चरन रह्यो लिपटाई ॥ ४ ॥

॥ शब्द ४२ ॥

नैना चरनन राखहुँ लाय ।

केतो रूप अनूपम आहै, देऊँ सब विसराय ॥ १ ॥

राति दिना औ सोवत जागत, मोहीं इहै सोहाय ।

नहीं पल पल तजों कबहुँ, अनत^१ नाहीं जाय ॥ २ ॥

मोरि बस कछु नाहि है, जब देत तुमहिं वहाय ।

चहत खँचि कै ऐँचि राखत, रहत हों ठहराय ॥ ३ ॥

दियो नाथ सनाथ करि अब, कहत अहाँ सुनाय ।

जगजीवन के सत्त गुरु तुम, सदा रहहु सहाय ॥ ४ ॥

॥ शब्द ४३ ॥

भइउँ मैं सनाथ आइ कै ॥ टेक ॥

महा मोह सोवत, रहिउँ ।

उठिउँ चौकि जागि कै ॥ १ ॥

मोहिं उपदेस दियो मते महँ ।

चरन कमल रहिउँ लागि कै ॥ २ ॥

जग को देखि मोहिं डेरु लाग्यो ।

आइउँ सरन में भागि कै ॥ ३ ॥

जगजीवन अबि निरखि देखि रहि ।

मस्त भइउँ रस पागि कै ॥ ४ ॥

॥ शब्द ४४ ॥

साईं मोहिं और न भावै ।

जो मैं चहों रहों चरनन ढिग, जगत भेख भरमावै ॥ १ ॥

कानि न मानत जानत आहै, नहिं बिबेक मन आवै ।

जेहिं के मन माँ जैसी आवत, सो तैसे गुन गावै ॥ २ ॥

अद्भुत ख्याल तुम्हारे आहैं, बिन कर नाच नचावै ।
 कहूँ उपदेस अँदेस मिटावै, केहूँ दूरि बहावै ॥ ३ ॥
 अब सरनाय चरन की राखौ, सूरति नहिं भरमावै ।
 जगजीवन जो बूझै जैसे, तेहि का तैसे भावै ॥ ४ ॥

॥ शब्द ४५ ॥

प्रभु जी बक्सहु चूकि हमारी ।
 जो पुरबुज अपने कर्मन ते, डारयो सर्व मिटा री ॥ १ ॥
 राखहु पास सदा चरनन के, निकट ते नाहीं टारी ।
 जानत रहहु सदाँ हित आपन, कबहूँ नाहिं बिसारी ॥ २ ॥
 पाँच पचीस बड़े पर पंची, यह डारत संसारी ।
 येई पल छिन छिनहिं भयावत, नाहीं लागु हमारी ॥ ३ ॥
 अब मन लागि पागि रह तुम ते, सूरति रहै न न्यारी ।
 जगजीवन को भक्ति बर दीजै, जुग जुग आस तुम्हारी ॥ ४ ॥

॥ शब्द ४६ ॥

अब मैं कहौं कहाँ लागि ज्ञान ।
 सहस मुख सों सेस बरनत, मैं अहाँ केतान ॥ १ ॥
 बिस्तु सुमिरत सिवं सक्ती, ब्रह्म बेद बखान ।
 सर्व मई बिराज रही है, जोति वह निर्बान ॥ २ ॥
 चहौ सो करि लेहु पल में, अहै सो न प्रमान ।
 कृपा करि जेहिं लियो छिन में, जानि आपु समान ॥ ३ ॥
 करौं बिनती बहुत बिधि ते, हौं अजान हैवान ।
 जगजीवन गुरु अहै समर्थ, चरन हौं लिपटान ॥ ४ ॥

॥ शब्द ४७ ॥

प्रभु तुम सों मन लागा मोरा ।
 नेग^१ जन्म के कर्म काटो, माँगौं दरसन तोरा ॥ १ ॥

मोहिं ते तौ कछु कहि नहिं आवै, मैं पापी हों जोरा ।
 निसु दिन तुम कहँ सुमिरत राहों, इतना मानु निहोरा ॥ २ ॥
 यह अरदास^१ मानि ले साईं, तनिक देखिये कोरा ।
 जगजीवन काँ जानु आपना, तोरु प्रीत नहिं डोरा ॥ ३ ॥

॥ शब्द ४८ ॥

मेरी बिनय सुनिये राम ।

भरमत हों दिन रात छिन छिन, कैसे सुमिरों नाम ॥ १ ॥
 महा अहै अपार माया, मोह सुख परि काम ।
 छूटि गे सत दूटि डोरी, लागि हित धन धाम ॥ २ ॥
 मेटु सर्व गुनाह मेरे, पाप कर्म हराम ।
 जगजीवन काँ जानु आपन, चरन केर गुलाम ॥ ३ ॥

॥ शब्द ४९ ॥

पर्यों मैं जार^२ कैसे जानों रे ।

जो तुम कौल कोन तब हमते, अब कैसे सुधिआनों रे ॥ १ ॥
 निस बासर मैं भरमत फिरत रहि, केहि विधि मन थिर आनों रे ।
 दे उपदेस अँदेस मिटावो, तौन ठान मैं ठानों रे ॥ २ ॥
 लागि रहै मोहिं दूटै नाहीं, माँगि माँगि रस सानों रे ।
 जगजीवन बिनती करि माँगै, चरन कमल अनुरागों रे ॥ ३ ॥

॥ शब्द ५० ॥

साँई मेरे हम हैं दास तुम्हारे ।

तुम्हरी कृपा ते सुमिरों निसु दिन, कबहूँ न रहाँ बिसारे ॥ १ ॥
 लागी रहै प्रीति चरनन ते, होउँ न कबहूँ न्यारे ।
 नहिं बसि अहै मोर बपुरे^३ को, रहिये आपु सँभारे ॥ २ ॥
 बालक बुद्धि अजान जान नहिं, जननी केर दुलारे ।
 खेलत सुभ औ असुभ न जानत, हितकरि गोद लिया रे ॥ ३ ॥

अस्थन लाग पियत पथ हित करि, नहीं कुदृष्टि निहारे ।
 सुनिय कहीं कर जोरि मोरि यह, बिनय सों करों पुकारे ॥ ४ ॥
 बबि मूरति निरखत देखत रहैं, नाही और निहारे ।
 जगजीवन काँ आपन जानहु, औगुन सर्व मिटारे ॥ ५ ॥
 ॥ शब्द ५१ ॥

साईं मैं नहि आपु क जाना ।

को मैं आहुँ कहाँ ते आयों, फिरत हैं कहाँ भुलाना ॥ १ ॥
 काया कंवन लोक बनायो, तेहि का अंत न जाना ।
 बूझों कहँ अस्थान कौन है, सर्व अंग ठहराना ॥ २ ॥
 देखत हैं काहु नहि न्यारा, समुझत आहैं ज्ञाना ।
 कौन जुक्ति जग बंध निकरिये, कैसे है मस्ताना ॥ ३ ॥
 मैं जानौं मन तुम हीं साहब, ता ते मन बिलगाना ।
 तेहिका रूप अनूप अमूरति, गगन मँडल अस्थाना ॥ ४ ॥
 तेहि ते मूरति फूटी तेहि माँ, गुरु अलख करि माना ।
 चेला है कै करहुँ बंदगी, सीस करहुँ कुरबाना ॥ ५ ॥
 तुम ते मैं संतुष्टा है हों, अहहु मूर्ति निर्बाना ।
 जगजीवन पर दाया कीन्हो, तब ते अब पहिचाना ॥ ६ ॥

॥ शब्द ५२ ॥

मोहिं का बार बार भटकायो ।

भूला फिर्यौं अनेक जन्म लहि, अंत जानि नहि पायो ॥ १ ॥
 काया धरि धरि नाच्यौं बहु विधि, आसा वैधि बिसरायो ।
 जो सुधि रही सुख हरि मोरी, चेत नहीं कछु आयो ॥ २ ॥
 आवत सुधि मोहिं कबहुँ कबहुँ, साँचु मैं नाही पायो ।
 थिर नहि वास भई नहि काहुँ, अवत जात दुख पायो ॥ ३ ॥
 करि करुना अध करम मिटायो, अपनि सरन लै आयो ।
 जगजीवन अब संसै नाही, चरन सीस चढ़ायो ॥ ४ ॥

॥ शब्द ५३ ॥

साँईं यह विनती सुनु मोरी ॥ टेक ॥

जन्म पाइ कछु जान्यों नाहीं, कछु बसि नाहीं मोरी ।
 वाद विवाद निदा कुठिलाई, यह सब मोहिं माँखोरी ॥ १ ॥
 औगुन अपने कहँ लौं भाखौं, गनिन सिराय^१ बहु कोरी ।
 महा मोह भव जाल में बंधो, दाया करि कै छोरी ॥ २ ॥
 माय सुतहिं दुख देत न कबहूँ, नहिं कुदृष्टि करि हेरी ।
 जगजीवन काँ आपन जानहु, प्रीति न कबहूँ तोरी ॥ ३ ॥

॥ शब्द ५४ ॥

मेरी हाथ तुम्हारे डोरी ॥ टेक ॥

है केतनि मति बुद्धि हीन है ।
 नहिं कहु अहै बूझ मति मोरी ॥ १ ॥
 मन कठोर आभाव भाव नाहं ।
 करौं कपट भ्रमि भटकौं चोरी ॥ २ ॥
 निसु बासर छिन छिन विसरत है ।
 नहिं निरखि जात छवि तोरी ॥ ३ ॥
 राखहु पास बिस्वास देहु वर, विनय कहौं कर जोरी ।
 जगजीवन चित चरनन दीन्हे, रहै सीस कर जोरी ॥ ४ ॥

॥ शब्द ५५ ॥

साँईं नावों तोहिं काँ माथ ।

सत्त गुरु समरथ साँईं, जनहिं करहु सनाथ ॥ १ ॥
 सत्त संगं रंग मोहिं मन, जुग वंध अंतर सोय ।
 निरखि देखहुँ नैनते छवि, रही सुरति समय ॥ २ ॥
 जलं थलं औ पवन पानी, ब्यापितं है सोय ।
 ब्रह्म बिन्दु महेस सेसं, एक दूज न कोय ॥ ३ ॥

जक्त संगति रहैं न्यारे, दास ते जग माहिं ।
कमल मधुकर प्रीति संपुट^१, बिलग होवैं नाहिं ॥ ४ ॥
रहि निरासं नाम आसं, चित्त चरन समाय ।
जगजीवन बिस्वास मन, सो मुरति दरस कराय ॥ ५ ॥

॥ शब्द १६ ॥

प्रभु जी बसि हमार कछु नाहीं ।

जो तुम चाहत करत हौ सोई, ब्यापि रह्यो सब माहीं ॥ १ ॥
कहुँ कवि ज्ञानी ज्ञान कथत हौ, कहुँ पंडित वेद कहानी ।
कहुँ कुमति कहुँ सुमति विराजत, केहु गति नाहीं जानी ॥ २ ॥
कहुँ चोर कहुँ साह कहावत, कहुँ अदत्त कहुँ दानी ।
कहुँ हरि लेत देत पल छिन माँ, आहै अकथ कहानी ॥ ३ ॥
कहुँ दैत कहुँ अहौ देवता, कहुँ विवाद रचि ठानी ।
कहुँ रच्छा कहुँ बद्ध करत हौ, केहु करत प्रधानी ॥ ४ ॥
माया प्रबल नचावत नाचत, निर्मल जोत निर्बानी ।
जगजीवन के सतगुरु साहब, चरन सुरति लिपटानी ॥ ५ ॥

॥ शब्द १७ ॥

साहब तुम केते अधम उधारी ।

अजब रीझ तुम्हार आहै, करि को सकै बिचारो ॥ १ ॥
पतित अनंत गनै को कहैं लौं, लीन्ह्यो छिन महँ तारी ।
मैं कह कहौं बरनि नहि आवै, वेद पुरान पुकारी ॥ २ ॥
जेहि काँ आपन हित कर जान्यो, दीन्ह्यो सुख अधिकारी ।
जब जब संकट परयो भक्त कहैं, लीन्ह्यो ताहि उबारी ॥ ३ ॥

(१) भँवरा को कँवल से ऐसी प्रीति है कि जब वह उस पर बैठा कोई सुध बुध नहीं रहती यहाँ तक कि सौंफ को जब कँवल बटुर कर संपुट हो जाता है तो भँवरा बसी के भीतर बंद हो जाता है ।

जिन केहु गरब कीन भक्तन ते, तिन का गरब निवारी ।
 निकटहि बसत अहहु अंतर महँ, रहत जोत नहि न्यारी ॥ ४ ॥
 कहौं कर जोरि लेहु सुन मोरी, हमरे टेक तुम्हारी ।
 जगजीवन गुरु चरन तुम्हारे, कबहुँ न रहौं बिसारो ॥ ५ ॥

॥ शब्द ५८ ॥

साईं मोहि भरोस तुम्हारा ।

मोरे बस नहिं अहै एकौ, तुमहिं करो निस्तारा ॥ १ ॥
 मैं अज्ञान बुद्धि है नाहीं, का करि सकौं विचारा ।
 जब तुम लेत पढ़ाय सिखावत, तब मैं प्रगट पुकारा ॥ २ ॥
 बहुतक भवसागर महँ बूझत तेहि उबारि कै तारा ।
 बहुतन का जब कष्ट भयो है, तिन कै कष्ट निवारा ॥ ३ ॥
 अब तौ चरन कि सरनहि आयों, गह्यौं मैं पच्छ तुम्हारा ।
 जगजीवन के साईं समरथ, मोहिं बल अहै तुम्हारा ॥ ४ ॥

॥ शब्द ५९ ॥

साईं चहुहु करहु सो होई ।

जस चाहो तस नाम नचावो,

काह करै जग कोई ॥ १ ॥

पैदा करत निपैद करत हौ,

दै हरि लेत हौ सोई ।

केहु धन माया विदित देत हौ,

फिर छिन डारत खोई ॥ २ ॥

केहु है दीन लीन सुमति ते,

अंतर ध्यान चरन रह टोई ।

कोई मरै बहै अपंथ महँ,

भे अनाथ नर लोई ॥ ३ ॥

अब बिस्वास आस है तुम्हारी,
तकौं चरित कहि जात न कोई ।
जगजीवन का आपन जानहु,
सूरति राखौ छविहिं समोई ॥ ४ ॥

॥ शब्द ६० ॥

काह कहौं कहि आवत नाहीं,
मन तन तुम पर वारी ॥ टेक ॥

देखत अहौं दूसरो नाहीं, एकै जोति तुम्हारी ।
केहु भरमाय देत माया महुँ, केहु करत हितकारी ॥ १ ॥
देखत आहौं खेलत सब महुँ, को करि सकै बिचारो ।
करता हरता तुमहीं आहौं, अजब बनी फुलवारी ॥ २ ॥
दासन दासा मोहिं जानिये, जानत अहौं हसारी ।
जगजीवन दास सोस दियो चरनन, कबहुँ नाहिं बिसारी ॥ ३ ॥

॥ शब्द ६१ ॥

आरति करौं सुनो मेरे प्यारे,
तुम गुनाह के मेटनहारे ॥ टेक ॥

बुद्धि हीन कछु गति नहिं जानौं,
कृपा करहु तब नाम बखानौं ॥ १ ॥

सेस महेस ब्रह्म धर ध्याना,
वेहु नहिं करि सकैं बखाना ॥ २ ॥

अंत न खोज अगाध को भावै,
जेहि जस बह तस ध्यान लगावै ॥ ३ ॥

जगजीवन के बस कछु नाहीं,
दाया चरन बसहि मन माहीं ॥ ४ ॥

॥ शब्द ६२ ॥

प्रभु जी चहौ सो तुम करहु ।

होय तुरत बिलंब नाहीं, जौन इच्छा धरहु ॥ १ ॥

चहहु सुमेरहि करहु किनका, कन सुमेरहि करहु ।

अहै सबै बनाव तुम्हरा, गिरहिं अधरै^१ धरहु ॥ २ ॥

तीन लोक बनाउ चौथा, चहहु बिन कर मलहु ।

चहहु देहु बढ़ाइ दै कर, चहहु तौ फिर लरहु ॥ ३ ॥

चहहु पाल जियाइ करि कै, चहहु छिन महँ मरहु^२ ।

जगजीवन के सत्त गुरु तुम, बास गगनहिं करहु ॥ ४ ॥

॥ शब्द ६३ ॥

साईं कठिन भक्ति है तेरी ।

जिन काहु का सुमिरन आवा, जब किरपा भै तेरी ॥ १ ॥

नहीं कबूलौ परत बंदगी, केतो कहत हौं टेरी ।

जिन काँ चहा लहा पैतिन हीं, मिथ्यो भरमतेहि केरी ॥ २ ॥

माला मुद्रा तिलक दिहे हैं, करि उपाय बहुतेरी ।

बैठि तपस्या करि जंगल माँ, है रह खाक कि टेरी ॥ ३ ॥

मते मंत्र जेहि काँ कहि दीन्ह्यो, भे सुधि सत्य घनेरी ।

जगजीवन सतगुरु मिलि उतरे, बहुरि करहिं नहिं फेरी ॥ ४ ॥

॥ शब्द ६४ ॥

साहब अजब कुदरत तोर ।

देखि गति कहि जात नाहीं, केतिक मात है मोर ॥ १ ॥

नचत सब कोउ काछि नाचा, अमत फिर बिन डोर ।

होत औगुन आप ते, सब देत साहब खोर^३ ॥ २ ॥

कौल कै जग पठै दीन्ह्यो, तौन डारयो तोर ।

करत कपटं संत तेती, कहैं मोरी मोर ॥ ३ ॥

ऐसि जग की रीति आहै, कहा कहिये ढेर ।

जगजीवन दास चरन गुरु के, सुरत करिये पोढ़ ॥ ४ ॥

॥ चेतावनी ॥

॥ शब्द १ ॥

अरे मन देहु तजि मतवारि ।

जे जे आये जग्त महुँ एहि, गये ते ते हारि ॥ १ ॥

नहीं सुमिरयौ नाम काँ, सब गयो काम बिगारि ।

आपु काँ जिन बड़ा जान्यो, काल खायो मारि ॥ २ ॥

जानि आपुहिं छोट जग, रहि रहौ डोरि सँभारि ।

बैठि कै चौगान निरखहु, रूप छबि अनुहारि ॥ ३ ॥

रहौ थिर सतसंग वासी, देहु सकल बिसारि ।

जगजिवन सतगुरु कृपा करि कै, लेहैं सबै सँवारि ॥ ४ ॥

॥ शब्द २ ॥

अरे मन समुझ करु पहिचान ।

को तैं अहसि कहाँ ते आयसि, काहे भर्म भुलान ॥ १ ॥

सुधि सँभार बिचार करिकै, बूझु पाछिल ज्ञान ।

नाचु एहि दुइ चारि दिन का, अचल नहिं अस्थान ॥ २ ॥

लोक गढ़ एहु कोट काया, कठिन माया बान ।

लाग सब केँ बचे कोउ नहिं, हरयो सब का ध्यान ॥ ३ ॥

खबरदार बेखबर हो नहि, ओट नाम निर्बान ।

जगजिवन सतगुरु राखि लेहैं, चरन रहु लिपटान ॥ ४ ॥

॥ शब्द ३ ॥

अरे नर का एहिं तकि बौराना ।

सुख परि कौल कीन तेहिं त्यागी,

मन माना मन जाना ॥ १ ॥

चला जात कोउ अचल नहीं है,
 अवहूँ समझ हैवाना ।
 धोखा है तकि भूल फूल नहिं,
 होइहि सबै विराना ॥ २ ॥
 दिन दुइ चार की संगत सब की,
 ह्वैहैं अंत चलाना ।
 एत दिन रहि ईतर अम भीतर,
 बिना भजन पछिताना ॥ ३ ॥
 लेहु बचाय नचाय नाम गहि,
 कहौं- नियाये ज्ञाना ।
 जगजीवन सब बृथा जानि कै,
 धरहु चरन कर ध्याना ॥ ४ ॥

॥ शब्द ४ ॥

मनुवाँ ऐसी प्रीति लगाव ।

ससि रूप जैसे चकोर निरखत, ऐसे चित्त मिलाव ॥ १ ॥
 सूम के हित दाम ज्यों नित, नेम कौड़ी भाव ।
 अस लागि रहु रस पागि दुनियाँ, धंध सब बिसराव ॥ २ ॥
 जुवा कामी रतै कामिनि, रैन दिन भरमाव ।
 अस रहै लागी नहीं भूलै, दूरि दुविधा भाव ॥ ३ ॥
 बहुत सुत हित बाँझनी के, बसत हिरदय ठावँ ।
 जगजिवन गुरु के चरन गहिरहु, अक्ति को अस नावँ ॥ ४ ॥

॥ शब्द ५ ॥

मन तैं काहे का करत गुमान ।

रहहु अधीन नाम वह सुमिरहु, तोहिं सिखावौं ज्ञान ॥ १ ॥
 आये जे जे फूलि भूलि गे, फिर पाछे पछितान ।
 तौ कोई काम न आवा, हैगा जबै चलान ॥ २ ॥

जो आवा सो खाकहि मिलिगा, उड़ि उड़ि खेह उड़ान ।
 बृथा गयो आय जग जनमें, जो पै नाही जान ॥ ३ ॥
 सुद्धि सँभारि सँवारि लेहु करि, अधरम करहु अड़ान ।
 जगजीवन गुरु चरन गहे रहु, निरगुन तकु निरवान ॥ ४ ॥

॥ शब्द ६ ॥

मैं तैं जग त्यागि मन चलिय सिर नाई ।
 नाम जानि दीन हीन करिये दीनताई ॥ १ ॥
 अहंकार गर्व ते सब गये हैं बिलाई ।
 रावन के सीस काटि राम की दोहाई ॥ २ ॥
 जिन जिन गुमान कीन मारि गर्दही मिलाई ।
 साधि साधि बाँधि प्रीति ताहि पर सहाई ॥ ३ ॥
 परसहु गुरु सीस डारि दुनिया विसराई ।
 जगजीवन आस एक टेक रहिये लगाई ॥ ४ ॥

॥ शब्द ७ ॥

अरे मन देहु सबै विसराय ।
 दीन है लवलीन करि कै नाम रहु लौ लाय ॥ १ ॥
 नाम अमृत जपहु रसना गुप्त अंतर पाय ।
 मैल छूटि कै होय निर्मल सुद्धि पाछिल आय ॥ २ ॥
 निर्गुन निहारि निरखहु अनत नाही जाय ।
 सीस दुइ कर परहु चरनन छूटि नाही जाय ॥ ३ ॥
 सदा रहहु सचेत हेत लगाइ नहिं विसराय ।
 जगजीवन परकास मूरति सूरति सुरति मिलाय ॥ ४ ॥

॥ शब्द ८ ॥

हमारा देखि करै नहिं कोई ।
 जो कोई देखि हमारा करिहै, अंत फजीहति होई ॥ १ ॥

जस हम चले चलै नहं कोई, करी सो करै न सोई ।
 मानै कहा कहे जो चलिहै, सिद्धि काज सब हाई ॥ २ ॥
 हम तो देह धरे जग नाचव, भेद न पाई कोई ।
 हम आहन सतसंगी बासी, सूरति रही समोई ॥ ३ ॥
 कहा पुकारि विचारि लेहु सुनि, बृथा सब नहिं होई ।
 जगजीवन दास सहज मन सुभिरत, विरले यहि जग कोई ॥ ४ ॥

॥ शब्द ६ ॥

साधो समझौ मन ही माहीं ।

अजब तमासे हैं दुनिया के, कछु कहिवे को नाहीं ॥ १ ॥
 अस्तुति करहिं भाव करि बहु विधि, फिर फिर निंदे कराहीं ।
 मैं नहिं जानौ साँच कहतु हों, परिहैं नर्कहिं माहीं ॥ २ ॥
 मैं केतानि कौनि गनती महँ, कहा जात कछु नाहीं ।
 साहब समर्थ दाया करिहैं, नाम बसत जेहि माहीं ॥ ३ ॥
 करै न निंदा मैं तैं त्यागै, दीन रहै मन माहीं ।
 जगजीवन तेहि पर किरपा भै, बैठे अम्बर छाहीं ॥ ४ ॥

॥ शब्द १० ॥

दुनिया जानि बूझि बौरानी ।

भूठै कहै कपट चतुराई, मनहिं न आनहि कानी ॥ १ ॥
 नहिं डरपत है सत्त राम कहं, ऐसे हहिं अभिमानी ।
 है बिबाद निंदा कहि भाखहिं, तेही पाप ते आगे हानी ॥ २ ॥
 जानत हैं मन मानत नाहीं, बड़े कहावत ज्ञानी ।
 नबहिं नहिं न साधु ते दीनता, बूढ़ि सुए विनु पानी ॥ ३ ॥
 मैं तैं त्यागि अंतर साँ सुमिरै, परगट कहाँ बखानी ।
 जगजीवन साधन ते नय चलु, इहै सुख कै खानी ॥ ४ ॥

॥ शब्द ११ ॥

साधौ कहा जो मानै कोई ।

जो कोई कहा हमार मानिहै, भला ताहि कै कोई ॥ १ ॥

तजै गरूर पूर कहि बानी, मनहिं दीनता होई ।

तेहि काँ काज सिद्धि कै जानौ, सुखानंद तेहि होई ॥ २ ॥

अन्तर भजु केहुं दुख देइ नहि, मैं तँ डारै खोई ।

तेहि काँ राम सदा सुख दायक, सुद्धि ताहि कै लेई ॥ ३ ॥

परगट कहत अहाँ गोहराये, जग ते न्यारे वोई ।

जगजीवन मूरति वह निरखा, सूरति रही समोई ॥ ४ ॥

॥ शब्द १२ ॥

दुनिया दुविधा सबै परी ।

जाहि केर बनाव है सब भजत नाहिं घरी ॥ १ ॥

पाइ दौलत धाम सुख परि मोर मोर करो ।

भारि कै जमदूत खूदा सबै सुधि बिसरी ॥ २ ॥

मातु पितु सुत साथ ना कोई चलै लै पकरो ।

महा दुर्गति दूत कीन्ह्यो सबै सुद्धि हरी ॥ ३ ॥

समुझि बूझि सँभार सूरति नाम चित्त धरो ।

जगजीवन ते पार उतरे नाम बल उवरी ॥ ४ ॥

॥ शब्द १३ ॥

मनुवाँ का तकि तँ बौराना ।

झूठे जगत तमासा आहै, सुधि करु कृपानिधाना ॥ १ ॥

देखु बिचारि कै फूल भूल नहिं, साईं बहु निर्बारी ।

छिन महँ एक बुन्द ते कीन्ह्यो, जगत सबै बिस्तारी ॥ २ ॥

देखि ऐसी जुक्ति रहिये, पलक नाहीं मारि ।

जैसे ससिहिं चकोर निरखत, दियो तन मन वारि ॥ ३ ॥

रहो दीन आधीन हूँ कै, तमा^१ तजु कहि मारि ।
 साईं का तब दरद आइहि, लेहै सबै सँवारि ॥ ४ ॥
 होहु थिर कहूँ बहहु नाहीं, देहु दुविधा डारि ।
 जगजिवन गुरु के चरन परि कै, बिनय करै पुकारि ॥ ५ ॥
 ॥ शब्द १४ ॥

मन तुम काहे रसनि विसराई ।
 तब तो रसनि रही रसनी महँ, अब काहे गफिलाई ॥ १ ॥
 पाँच प्रचंड संग हैं तेरे, संग पचीस लेवाई ।
 इन ते ऐंचि खैंचि नहि आवै, जहाँ तहाँ उठि धाई ॥ २ ॥
 जुक्ति बाँधि करि लेहु एक करि, मैं तैं देहु छुड़ाई ।
 चलि अस्थान जहाँ गुरु बैठे, रहहु बंदगी लाई ॥ ३ ॥
 देखत रहहु दृष्टि नहिं टारहु, निर्मल जोति निरथाई ।
 जगजीवन सतगुरु के चरन गहि, रहिये थिर ठहराई ॥ ४ ॥
 ॥ शब्द १५ ॥

बैठि उजियारी देखि ले भाई ॥ टेक ॥
 सतगुरु साहब गहे रहहु तुम, त्यागि देहु दुचिताई ।
 कर करु ध्यान दिया दाया करु, तेल तत्त भरि लाई ॥ १ ॥
 बाती ब्रह्म ताहि में भेंवहु, पारसलाइ अंधियारी जाई ।
 जगजीवन अस निरमल निरखहु, काहे काँ जीव डेराई ॥ २ ॥
 ॥ शब्द १६ ॥

रहु सत साईं राखु निहार ॥ टेक ॥
 दिल खाक करु सब खाक है,
 चहु पवन दसहूँ द्वार ।
 तहँ सोधि रहु छवि निरखि नैनन,
 ससि भानु छवि तेहिं वार ॥ १ ॥

बैठि तहँ भ्रम ज्याग करिकै,
मूरति अलख आधार ।
जगजीवन यहि जुक्ति रहे तेहिं,
नाहि वाँकहि वार^१ ॥ २ ॥

॥ शब्द १७ ॥

बौरे जामा पहिरि न जाना ।
को तैं आसि कहाँ ते आइसि,
समुझि न देखसि ज्ञाना ॥ १ ॥

घर बहु कौन जहाँ रह बासा,
तहाँ ते किहेउ पयाना ।
इहाँ तौ रहिहौ दुई चार दिन,
अंत कहाँ कहँ जाना ॥ २ ॥

पाप पुन की यह बजार है,
सौदा करु मन माना ।
होइहि कूच ऊँच नहिं जानसि,
भूलसि नाहिं हैवाना ॥ ३ ॥

जो जो आवा रहेउ न कोई,
सब का भयो चलाना ।
कोऊ फूटि दूटि गारत भा,
कोउ पहुँचा अस्थाना ॥ ४ ॥

अब कि सँवारि संभारि विचारि ले,
चूका सो पछिताना ।
जगजीवन दृढ़ डोरि लाइ रहु,
गहि मन चरन अड़ाना ॥ ५ ॥

॥ शब्द १८ ॥

मन महँ अन्तर सुमिरहु नाम ।

कर्म अनेक कटहिं छिन महियाँ, सुफल होहिं दृढ़ काम ॥ १ ॥

तजु परपंच दुष्टई भूँठी, भूँठे हैं गृह ग्राम ।

भूँठे हैं सब नाम बिहूना, भूँठे हैं धन धाम ॥ २ ॥

मात पिता भगनी भाई सुत, हित कुटुम्ब सुख वाम ।

एहि आसा भूँठे परि भूले, कोउ नहिं आयो काम ॥ ३ ॥

गहिरहु जुक्ति जगत् ते न्यारे, सत संजोग बिस्राम ।

जगजीवन निर्मल निर्भय ह्वै, दाग छूटि गा स्याम ॥ ४ ॥

॥ शब्द १९ ॥

मन महँ नाहिं बूझत कोय ।

नहीं बसि कछु अहै आपन, करै करता होय ॥ १ ॥

कहत मैं तैं सूझि नाहीं, भर्म भूला सोय ।

पड़े धारा मोह की बसि, डारि सर्वस खोय ॥ २ ॥

करै निंदा साध की, परि पाप बूड़े सोय ।

अंत फजिहत होहिगे, पछिताय रहिहैं रोय ॥ ३ ॥

कहौं समुझि विचारि कै, गहि नाम दृढ़ धरु दोय ।

जगजीवन ह्वै रहहु निर्भय, चरन चित्त समोय ॥ ४ ॥

॥ शब्द २० ॥

मन तैं नाहिं इत उत धाव ।

रटत रहु दुइ अञ्छर अंतर, अपथ गेल न जाव ॥ १ ॥

उहाँ ते निर्विन्दु आयो, पिंड बासा गावँ ।

चेति सुद्धि सँभार ले तैं, चूकु नाहीं दाव ॥ २ ॥

समुझि फिरि पछिताइ है, परि जोनि बहु डरुपाव ।

सत्त सरसौं बाँटि उपटन, अंग अपने लाव ॥ ३ ॥

छूटि मैलं होय निर्मल, नूर नीर अन्हाव ।
जगजीवन निर्बान होवै, मिटै सब दुचिताव ॥ ४ ॥

॥ शब्द २१ ॥

आपु ते डारत आपु नसाई ।

कहूँ बिबाद कीन्ह भक्तन ते, पांछे मन पछिताई ॥ १ ॥
काहू क दोष देइ नहिं कोई, धाइ जरै जो जाई ।
साधु बिबेकी दाया राखत, रामहिं दरद न आई ॥ २ ॥
गर्व-ग्रहारी गुमान न राखैं, करै जानि जो जाई ।
रावन औ हरनाकुस मारा, कछू विलम्ब न लाई ॥ ३ ॥
नरकेतान कवनि गिनती यहूँ, कीट कि नहिं समताई ।
जो भक्तन ते बैर कियो है, अंत रसातल जाई ॥ ४ ॥
नहिं मानै तौ ब्रूभति ले मन, कहत अहौं गोहराई ।
जगजीवन जे दीन लीन मन, तिन पर सदा सहाई ॥ ५ ॥

॥ शब्द २२ ॥

दुनियाँ पारि परिपंच न जानी ।

नहिं नय चलहि गुमान लादे, बोलहिं विष रस बानी ॥ १ ॥
सिद्ध साध कै निंदा करि, नहिं डेरु राम क मानी ।
अंत भला नहिं आगे होइहि, दिन दिन होइहि हानी ॥ २ ॥
परिहैं अंतहिं घोर नरक महँ, कहैं सत ज्ञान बखानी ।
तहाँ परे भुक्तहिं फिरि बहुतै, समौ बीति पछितानी ॥ ३ ॥
अहै उबार दीनता हूँ चलि, गहि सत नाम निसानी ।
जगजीवन गुरु चरनन लागे, निरखत छबि निरबानी ॥ ४ ॥

॥ शब्द २३ ॥

देखहु रे बौरे नैन उधारि ।

काह कौल करि आयहु जग यहँ,

अब कस डारेहु मनहिं विसारि ॥ १ ॥

थिर ह्वै कोउ रहै न पाइहि,
 इहाँ बसेरा है दिन चारि ।
 अइहैं दूत बाँधि लै जैहैं,
 कोऊ नाहीं लगहि गोहारि ॥ २ ॥
 दौलत धाम छूटि सब जाइहि,
 छुटिहैं मातु पिता सुत नारि ।
 जगजीवन गुरुचरन गहे रहू,
 गाढ़ परिहि तौ लेहैं उबारि ॥ ३ ॥

॥ शब्द २४ ॥

यहि जियने का करु न गुमान ॥ टेक ॥
 उतहि जन्म पाय नर देही,
 भजन बिना को नहि पछितान ।
 दौलत धाम देखि कै भूलयो,
 बिसरि गयो वह पाछिल ज्ञान ॥ १ ॥
 ना थिर रहे नहीं थिर रहिहै,
 जाइहि अंत करि सबै पयान ।
 सेन समेत रावन गे छिन महँ,
 तिनहूँ के कछु रह्यो न निसान ॥ २ ॥
 अन्त काल सब कछु चलि जाइहिं,
 चलि जैहे ससि-गन अरु भान ।
 जगजीवन सब कछु चलि जाइहि,
 रहिहै इक सत नाम निदान ॥ ३ ॥

॥ शब्द २५ ॥

मनुवाँ समुझि करहु तेवान^१ ।
 जब तुम आयहु साईं पठवा, अब कस भयो हैवान ॥ १ ॥

तब कोउ संग साथ नहिं कोऊ, जग आयहु निरबान ।
 अब हित लागि चाखि विषया फल, फिरत अहहु बौरान ॥ २ ॥
 भरमत फिरत नहीं थिर बैठत, बिसरि गयो अस्थान ।
 नाही सुद्धि पाखिली आवत, ता तें भयो गुमान ॥ ३ ॥
 हो सचेत अब जागि उलटि कै, निर्गुन करु पहिचान ।
 जगजीवन जुग जुग हहु संगी, सतगुरु चरन प्रमान ॥ ४ ॥

॥ शब्द २६ ॥

सत्त नाम बिना मन कैसे पार तरिहौ ॥ टेक ॥
 महा कठिन भर्म जार सूझै नहिं बार पार,
 कहौ काह करिहौ ।

जुक्ति करहु चरन सरन लागि पागि,
 नहिं तौ फाँसि परिहौ ॥ १ ॥

जे जे जग आये कोऊ नाहिं बाचे,
 धीरज कौन धरिहौ ।

जोगी जती सिद्ध साध,
 कोऊ नाहिं रहिहौ ॥ २ ॥

मिलि गये अमर भये ते जगत आस,
 चित्त ते सब दहिहौ ।

जगजीवन दास गुरु पास,
 जुगन जुग संग रहिहौ ॥ ३ ॥

॥ शब्द २७ ॥

अरे मन समुझि बूझहु ज्ञान ।

भजहु अंतर मगन है कै, होउ नहिं हैवान ॥ १ ॥

नाहिं बार औ पार है, करि जात नाहिं वयान ।

रच्यो रचना जानि कै, अस अहैं कृपानिधान ॥ २ ॥

यहि भाँति ते सुख पाइहौ, नाहिं होइ है नुकसान ।
 देखु नैन पसारि कै, कोउ नहिं अहै अजान ॥ ३ ॥
 रहु दोन लीनं चरन ते, तजि देहु गर्व गुमान ।
 दिन चारि का जग है बसेरा, अन्त खाक समान ॥ ४ ॥
 मरहु जीवत जियहु कछु दिन, मौत अहै निदान ।
 जगजीवन ते अमर भे, गुरु चरन मन लिपटान ॥ ५ ॥

॥ शब्द २८ ॥

सुन सखि तुम ते कहौं समुझाई ॥ टेक ॥
 करु न गुमान बहुरि पछितैहै,
 काहे क परसि भुलाई ।
 तब तैं आइसि कौन कौल करि,
 अब कस सुधि बिसराई ॥ १ ॥
 जागि लागि लय नात नाह ते,
 देहु त्यागि दुचिताई ।
 एहु घर दिन दुइ चार का नैहर,
 परिहौ पर घर जाई ॥ २ ॥
 हँसि कहि बात घात तुम जनिहहु,
 रहि मन महुँ पछिताई ।
 जगजीवन सत पिउ अंतर मिलु,
 काहे क जीव डेराई ॥ ३ ॥

॥ शब्द २९ ॥

अरे मन रहहु चरन ते लागि ।
 इत उत सकल देहु तुम त्यागि ॥ १ ॥
 दुइ कर जोरि कै लीजै माँगि ।
 सोवत उठैव योह ते जागि ॥ २ ॥

नैन निरखि छवि रहि रस पागि ।

कर्म भर्म सब जैहैं भागि ॥ ३ ॥

जगजीवन अस रहि अनुराग ।

जानु आपने तब हों भाग ॥ ४ ॥

॥ शब्द ३० ॥

अरे मन जपहु मंत्र बिचारि ।

नाहिं कोइ थिर अहै यहि जग, जिवन है दिन चारि ॥ १ ॥

आवत है जग जात आहै, देखु नैन पसारि ।

जीव जंतु पसु पंथी तत्त, तैसई नर नारि ॥ २ ॥

उठत बैठत रमत ठाढ़े, सोवत जगत सँभारि ।

डोरि ऐसी रहहु लाये, जीति लेहु सँवारि ॥ ३ ॥

त्यागि मैं तैं हठ बिबादं, रहौ नय चलि हारि ।

जगजीवन यहि जुक्ति तेनी, चलहु आपुहि तारि ॥ ४ ॥

॥ शब्द ३१ ॥

जो पै नाम रहै जप लाय ।

तेहि के भागत कुल्ल बलाय ॥ १ ॥

तेहि का बौरा कहै सब लोय ।

वहि का अंत न पावै कोय ॥ २ ॥

बिन बोले जौ रहा न जाय ।

तौ मन नहि अंतर ठहराय ॥ ३ ॥

रस रसना बिरले जन पाय ।

अपने अंतर रहै छिपाय ॥ ४ ॥

पंडित काहे क पढ़ै पुरान ।

दुइ अन्धर आहै परमान ॥ ५ ॥

राति दिवस लहि करै पुकार ।

सत मत मंत्र न करै बिचार ॥ ६ ॥

जेहि मत अंतर मिल्यो है आई ।

कथा पुरान पढ़ब बिसराई ॥ ७ ॥

रटनि रसनि जेहि नाम की आई ।

तेहि का कछु जग नाहि सधाई ॥ ८ ॥

नहीं तपस्या तिरथ अन्हाई ।

तेहि के दरस पाप कटि जाई ॥ ९ ॥

राम संत ते अंतर नाहीं ।

संत ते कबहुँ न्यारे नाहीं ॥ १० ॥

जगजीवन कहै प्रगट पुकारी ।

अपने मन महँ लेहु बिचारी ॥ ११ ॥

॥ शब्द ३२ ॥

साधो जब ते यह तन थाको ॥ टेक ॥

सुत जन्मत सुख आस राखिकै, फिर नहिं कोउ काहू को ।

ऐंठि चलहि डरपहि नहिं मन ते, बचन सो मुँह से भाखो ॥ १ ॥

छूटी कानि लोक की मन ते, नारि नीच तन ताको ।

हँसै हँसावै जानि आप को, नहि बिबेक को आँको ॥ २ ॥

नीच प्रसंग रंग ते रातहि, भ्रमत फिरत है डाको ।

जो देख्यो सो कहत हों परगट, नहीं गुप्त में राखो ॥ ३ ॥

॥ शब्द ३३ ॥

हम समान नहिं कोऊ भाई ।

ऐसा जग की रीति देखिये, कहौ तो कहा न जाई ॥ १ ॥

ऐसी मति संसार की आहै, बातन की अधिकाई ।

सपनेहु रामहि जानहि नाहीं, भगवा नितहि बढ़ाई ॥ २ ॥

नित उठि करहि दुष्टई सबकै, जिय महँ नाहिं डेराई ।
 करि बहु पाप कमाई नितहीं, सो पड़े नरक महँ जाई ॥ ३ ॥
 कहैं कि हम समान को आहै, थोरे धन इतराई ।
 गुन त्यागिन औगुन हित लागे, डारिन सबै नसाई ॥ ४ ॥
 दौलत दाम धाम सुख भूले, वह सुधि गै बिसराई ।
 परघौ काम जब अंत न पायो, सब तजि चल पछिताई ॥ ५ ॥
 समुझि बूझि हक^१ राह चलहु रे, कहत अहौं गोहराई ।
 जगजीवन सब भूठे आहैं, नाम भजहु चित लाई ॥ ६ ॥

॥ शब्द ३४ ॥

अरे मन लटकि अटकि रहु लागी ।

तजु परपंच कुशब्द कुसंगति, है सचेत उठि जागी ॥ १ ॥
 दुनिया अंध धंध परि भूली, कठिन मोह कै आगी ।
 तेहि परि जरि गै स्वाक उड़ाइहि, जुक्ति रँग रहृत्यागी ॥ २ ॥
 नर नारी पसु पंखी जे जग, सब छेदा है साँगी ।
 बचा न कोई बचाये सोई, नाम सरन रहु भागी ॥ ३ ॥
 दुइ कर जोरि यहै है अवसर, दरस लेहु वर माँगी ।
 जगजीवन दै सीस चरन तर, मस्त रहहु रस पायी ॥ ४ ॥

॥ शब्द ३५ ॥

दुनियाँ धंध लागि अरुम्हानी ।

हित मित चित्त लोभाइ रहत है, पाछिल सुद्धि हेरानी ॥ १ ॥
 आयो जहँ से घर सो भूला, यहु घर रुधिर क पानी ।
 ताही उद्र साज कियो करता, ताही म आनि समानी ॥ २ ॥
 डोरी पोढ़ि लगाइ निरगुन ते, अगिन म भे अस्थानी ।
 तेहि बल गलै जरै तन नाहीं, रहि दस मास सुखानी ॥ ३ ॥

बाहर भयो गइ सुबुद्धि वह, मे अहंकार गुमानी ।
 तीनिउ पन गे नाम बिहूने, अंत बूढ़ि विनु पानी ॥ ४ ॥
 कैसेहु नहीं सुग्ध नर चेतत, कहै सब्द यह बानी ।
 जगजीवन बचिहै पै सोई, चित्त चरन ठहरानी ॥ ५ ॥

॥ शब्द ३६ ॥

बौरे समुझि देखि मन माहीं ।

माया देखि कै भूल फूल नहिं, तोर नहीं कछु आहीं ॥ १ ॥
 दिना चारि का अहै पेखना, कोउ काहू का नाहीं ।
 सुधि बिसराय चेत नहिं कीन्ह्यो, अंत काल पछिताहीं ॥ २ ॥
 देह धरे नर नाम न जान्यो, बृथा जियहि जग माहीं ।
 जगजीवन भजु राम निर्भय ह्वै, रहिये चरनन माहीं ॥ ३ ॥

॥ शब्द ३७ ॥

साधो देखहु अपने मनहिं बिचारो ॥ टेक ॥
 दिना चारि का यह है खाका,
 सो तकि नहिं भूलहु संसारी ।
 परि कै सुखद भरम नहिं भटकहु,
 ह्वै सचेत रहु डोरि सँभारो ॥ १ ॥
 नाम बिहून नीच सब हीं ते,
 नीच ते नीच बहुत अधिकारी ।
 जैसे खाँड़ मीठ सब हीं कहँ,
 अनहित लागत खारी ॥ २ ॥
 करि बिबेक सों ज्ञान आपने,
 जुक्ति बास करि सब ते न्यारी ।
 जगजीवन अमृत रस दरसन,
 पीवत रहहु सो नैन निहारी ॥ ३ ॥

॥ शब्द ३८ ॥

रटहु रसना नाम अन्धर फूलु भूलु न भाई ।
 एक दिन दुख होइ है फिर रहैगा पछिताई ॥ १ ॥
 कस न जीवत सुमिर मन महँ त्यागि दे गफिलाई ।
 तजहु जग परपंच निन्दा करहु ना कुटिलाई ॥ २ ॥
 यहि पाप ते जम दूत कसि हैं रहौगे खिसियाई ।
 रहे नहिं कछु हाथ एकौ बाँधि लैकर जाई ॥ ३ ॥
 लोग सबै कुटुंब सुत हित नारि भगनी भाई ।
 पिता प्रीति लगाय रोइहै रहैगा अरुगाई ॥ ४ ॥
 भाई बर्ग सँग उहौ त्यागहि देहै सब बिसराई ।
 दौलत धन धाम काम काज नहिं आई ॥ ५ ॥
 छत्र पति औ नर पती सब झूठि है प्रभुताई ।
 जगजिवन दास नाम साँचा ताहि रहु लौ लाई ॥ ६ ॥

॥ शब्द ३९ ॥

जनम पाइ जग जान्यो नाही ।
 भाग बड़े ते पाइ देहँ नर,
 सुधि गै भूलि परयो भव माहीं ॥ १ ॥
 देखत खात पियत गाफिल मन,
 सुख आनंद बहुत हरषाहीं ।
 डोलत बोलत चलत अपथ पथ,
 भरे मद अंध चेत कछु नाही ॥ २ ॥
 मैं तैं मारि सँभारि न आवे,
 अध क्रम हित करि बहुत कमाहीं ।
 तेहि पर गई सुद्धि बुधि सब कर,
 पग थाके जब फिरि पछिताहीं ॥ ३ ॥

साधो साधि सुरति दृढ़ करिये,
 रहि रसि बसि छवि अंतर माहीं ।
 जगजिवन दास जगत ते न्यारे,
 गुरु के चरन बिसरि नहि जाहीं ॥ ४ ॥

॥ शब्द ४० ॥

अरे मन बौरे समुझि विचार ।

को तैं अहसि कहाँ ते आयसि, अब हूँ डोरि संभार ॥ १ ॥
 बहसि न इत उत है धिर रहि कै, सुकिरत नाम पुकार ।
 नहिं कोइ अचल सबै चलि जाइ हि, कछु नहिं अहै करार ॥ २ ॥
 काया कनक देह नर पायो, करि ले कछुक सँवार ।
 समौ यही फिरि और न पैहौ, भजि कै अपुहि तार ॥ ३ ॥
 लाये प्रीति रीति ऐसी रहु, सुरति छवि न विसार ।
 जगजीवन सतगुरु के चरनन, जानि सर्वसौ वार ॥ ४ ॥

॥ शब्द ४१ ॥

बौरे काहे का करत गुमान ।
 तोरे नाहिं कछु समुझि देखु मन,
 चेतहु होउ न हैवान ॥ १ ॥

दौलत धाम काम नहिं आइहि,
 जब तजि है तन प्रान ।
 सुत पितु नारि बंधु औ माता,
 तजि हैं एउ निदान ॥ २ ॥

कस नहिं सब तजि भजु वहि नामहिं,
 ये है सत्त प्रमान ।
 जगजिवन दास जग से है न्यारा,
 अन्तर धरि रहु ध्यान ॥ ३ ॥

॥ शब्द ४२ ॥

साधो मन मन रहहु विचार ।

निरखत रहहु परखि छवि देखत,
दृढ़ करि सुरति सँवार ॥ १ ॥सीतल है रहु धरु सँभारि पग,
तमा^१ तुजुक^२ तैं मार ।पाँच बचाइ चलाइ लाइ रहु,
आपन चहसि सँभार ॥ २ ॥मैं तैं ई तौ अहं मद गलती^३,
एइ सब करत बिगार ।तेहिं गरुवाई बोझ ते दावे,
नाहीं होत सवार ॥ ३ ॥कुमति प्रसंग पचीस एक सब,
जानि सर्वसौ वार ।जगजीवन सब लै न्यारे रहु,
चरन औ रूप निहार ॥ ४ ॥

॥ शब्द ४३ ॥

ए मन त्यागि देहु गुमान ।

वहाँ ते करि कौल आयहु, नाहिं समुक्त ज्ञान ॥ १ ॥

छिया बिदु का पहिरि जामा, हितं भयो हैवान ।

सुद्धि सोइ बिसारि दीन्हेव, कर्म आइ समान ॥ २ ॥

भूलु नहिं तकि देखु सुख परि, अचल नहिं अस्थान ।

जाइगा चल रहहि ना कोइ, बाल बूढ़ जवान ॥ ३ ॥

सिद्ध साधं जती जोगी, करहिं एऊ पयान ।

अमर ते मरि जाइंगे, चलि जाहिंगे ससि भान ॥ ४ ॥

जाइगा चल रहहि ना कछु, सहहु पद निर्बान ।
जगजीवन मति निर्मलं धरु, रहहु अंतरध्यान ॥ ५ ॥

॥ शब्द ४४ ॥

मनुवाँ सत्त नाम ले गाई ।
दुनिया बली जात पल छिन छिन,
कोऊ न थिर ठहराई ॥ १ ॥

नहिं करार दिन घरी बरस का,
केहु का जानि न जाई ।
मैं तैं करि अभिमान गुमानहिं,
सुख परि मे बौराई ॥ २ ॥

कोउ काहु क नहिं मातु पिता हितु,
नारि बन्धु कुटुंबाई ।
ये सब अपने काम स्वार्थ के,
अंत रहैं अरुगाई ॥ ३ ॥

ऐसे सूत काँट ते छेदे,
नहिं कोइ लेत बचाई ।
जगजीवन सब बृथा जानिकै,
रहे चरन सिर नाई ॥ ४ ॥

॥ शब्द ४५ ॥

कलि जागत जे राम की कानि ।

नहि डरपत आहै मन माहीं भरम पड़े हैरानि ॥ १ ॥
देत हैं दुख जानि दुखियहिं दरद नहिं मन आनि ।
होयगी दरबार फजिहत मारि बूझहिं छानि ॥ २ ॥
मारि मुगरिन मूढ़ फोरहिं मानिहै न हैवान ।
जन्म कर्म नसाइ जैहै होइ है सब हानि ॥ ३ ॥

डारि देहैं नरक महँ जहँ अग्नि है अधिकानि ।
 त्रास दुख अधिकार है कोउ नहिं उबारहि आनि ॥ ४ ॥
 पछिताइ है मन समुझि करि है बड़ी दुख की खानि ।
 देखि ज्ञान ते परत है तस कहत अहों बखानि ॥ ५ ॥
 दीन लीनं नाम गहि रहु भर्म तैं नहिं मानि ।
 जगजीवन बिस्वास बसि गुरु चरन रहु लिपटानि ॥ ६ ॥

॥ शब्द ४६ ॥

साधो कठिन रीति कल माहीं ।

परपंचहिं माँ निसु दिन बोतत,
 नामहिं सुमिरै नाहीं ॥ १ ॥

तब को हता गात नहिं काहू,
 रह्यो उद्र जब माहीं ।

सूरति लाइ सत्त माँ राखिन,
 जरे अग्नि महँ नाहीं ॥ २ ॥

सो बिस्वास छाँड़ि सब दीन्हो,
 पापै कर्म कमाहीं ।

सपनेहु समुझि बूझि नहिं आवै,
 परि भव मोह बिलाहीं ॥ ३ ॥

जन्म देह उत्तम नर पायो,
 सुधि बिहून कहँ जाहीं ।

गयो अकारथ नाम न जाना,
 नहिं काहू महँ आहीं ॥ ४ ॥

साध का सन्द मानि जो लेहैं,
 दाग न लागहि ताहीं ।

जगजीवन अंते अंतर नहिं,
भवसागर तरि जाहीं ॥ ५ ॥

॥ शब्द ४७ ॥

साधो कहत अहों गोहराई ।
दोष देइ अपने करमन का,
डारत अहै नसाई ॥ १ ॥
बेपरतीत भयो मनहीं महँ,
दुबिधा रह्यो समाई ।
बिसरि गयो जिन पाले उद्र महँ,
अग्नि ते लियो बचाई ॥ २ ॥

अब तब सों आपुहि सब ब्याकुल,
बूझि न मन महँ आई ।
बंधे अहहिं अन्ध है डोलहिं,
निकटहिं दूरि बताई ॥ ३ ॥
सत मत गहै रहै कौनिहु बिधि,
बकु मीनहिं टक लाई ।
जगजीवन यह जुक्ति भक्त भे,
जोति में रह्यो समाई ॥ ४ ॥

॥ शब्द ४८ ॥

साधो सुनु कल का ब्योहारा ।
अपने अपने आगी पानी,
जरत है सब संसारा ॥ १ ॥
नाहीं सुधि अपने तन की है,
औ क करहिं विचारा ।
ज्ञानिन काहँ कहैं अज्ञानी,
आपु बुद्धि अधिकारा ॥ २ ॥

हैं बल छीन ते बली कहावैं,
हम तें नहिं अधिका रा ।

अहैं अदत्त कहावैं दाता,
बुढ़ि मुए मँझ धारा ॥ ३ ॥
कुमति प्रसंग सुमति नहिं आवै,
गहैं न नाम अधारा ।

जगजीवन अन्तर महँ सुमिरैं,
उतरैं भवजल पारा ॥ ४ ॥

॥ शब्द ४९ ॥

कोउ काहुइ दोष न देई ।
जो करतव्य अहै आपुनि माँ, सो तैसहि फल लेई ॥ १ ॥
जो दुख देय दुख सो पावे, सुख दे सुख तेहि होई ।
हाजिर राम अहैं सबदिन महँ, गर्व न भूलै कोई ॥ २ ॥
रावन ऐसे छत्री द्वै गे, तेहि सम भयो न कोई ।
इन जब बैर कीन्ह भक्तन तें, डारयो छिन महँ खोई ॥ ३ ॥
लंका कनक सो खेह^१ उड़ानी, जैसे मैल गधाई^२ ।
पुत्रं लाख सवा लाख नाती, तिन के रहा न कोई ॥ ४ ॥
नर केतानि कवनि गिनती महँ, कहत सबद सत सोई ।
जगजीवन अन्तर महँ सुमिरहु, सूरति बिलग न होई ॥ ५ ॥

॥ शब्द ५० ॥

मन तन खाक करि कै जान ।

नीच तें द्वै नीच तेहि तें, नीच आपुहि मान ॥ १ ॥
त्यागु में तें दीन द्वै रहु, तजहु गर्व गुमान ।
देतु हों उपदेस याहै, निरखु सो निरबान ॥ २ ॥

(१) खाक । (२) सोने की लंका की खाक इस तरह उड़ी जैसे मिट्टी या फूड़ा करकट गधे पर ढो कर ले जाने से उड़ता है ।

कर्म धागा लाय बाँधा, हिंदु मूसलमान ।
 खैचि लीन्ह्यो तोरि धागा, निरल कोइ बिलगान ॥ ३ ॥
 खाक है सब खाक होइहि, समुझि आपन ज्ञान ।
 सब्द सत कहि प्रगट भापै, रहहि नाम निदान ॥ ४ ॥
 काल को डर नाहिं तिन्ह काँ, चौथ^१ रहि चौगान ।
 जगजीवन दास सतगुरु के, चरन रहि लिपटान ॥ ५ ॥

॥ शब्द ५१ ॥

भाई रे कहा न मानै कोई ।

जिहिं समुझाय कै राह बतावों,

मन परतीत न होई ॥ १ ॥

कपट रीति कै करहिं वंदगी,

सुमति न व्यापै सोई ।

भये नर हीन कुमारग परि कै,

डारिन सर्वस खोई ॥ २ ॥

मे भरुहाय^२ तनिक सुख पाये,

मैं तैं रहे समोई ।

फिरि पछिताने कष्ट भये पर,

रहे मनहिं मन रोई ॥ ३ ॥

देखि परत नैनन से वैसे,

कठिन जीव है वोई ।

जगजीवन अन्तर महँ सुमिरै,

जस होई तस होई ॥ ४ ॥

॥ शब्द ५२ ॥

आपु क चीन्हहु रे भाई,

बिन चीन्हे नहिं सुख पाई ।

जिन जिन काहू आपु क चीन्हा,
उठि तहँ कहँ पहुँचे जाई ॥ १ ॥

वह घर बिसरा जहँ ते आयहु,
परपंचहिं हिताई^१ ।

जामा मैल पहिरि मद माते,
में तैं पर बौराई ॥ २ ॥

कछु बिचार मनहिं नहिं आयो,
जहँ तहँ अरुमे जाई ।

भक्का भोरी ऐचा तानी,
जहँ तहँ गये बिलाई ॥ ३ ॥

ऐसी कुगति अहै दुनिया की,
नाम सरन बिन रहे पछिताई ।

सतगुरु मते मंत्र जेहि दीन्ह्यो,
अम्मर भे चरनन सिर नाई ॥ ४ ॥

जगजीवन जुग जुग^२ जुग^३ बंधा,
निरखत है निरमल निरथाई^४ ॥ ५ ॥

॥ शब्द ५३ ॥

साधो करै बिबाद नहिं कोई ।

अपने मते मंत्र महँ लागहु, भजत रहहु मन सोई ॥ १ ॥

कस्यप कंस रावना कौरौ, तिन के रहा न कोई ।

और कै कौन केतनि बपुरा है, कन प्रमान है सोई ॥ २ ॥

ज्ञानी पंडित जोगी भोगी, सिद्ध साध जो होई ।

सब निर्वाह नाम तैं आहै, गर्ब किहे या खोई ॥ ३ ॥

अंतर भजै मारि कै मैं तैं, चरनन चित्त समोई ।
जगजीवन भजु और आस तजि, जस होई तस होई ॥ ४ ॥

॥ शब्द ५४ ॥

बोरे नाम रटु मन लाय ।

झैंचि घट में आनिये कहूँ नाहिं देत बहाय ॥ १ ॥

कुसँग संगति कुटिल बोरे संग बैठु न धाय ।

ताहि पारस बेधि है तब होइ है गफिलाय ॥ २ ॥

तजहु गर्ब गुमान मैं तैं हिये रहु दिनताय^१ ।

त्यागि दे बकवाद बकना गहे रहु सितलाय^२ ॥ ३ ॥

देत हों उपदेस परगट कद्यो संतन गाय ।

जगजीवन बिस्वास करि कै रहु चरन लिपटाय ॥ ४ ॥

॥ शब्द ५५ ॥

यहि जग महँ बंदे गरीब हैं रहना ।

साँई तैं चित लाउ रे बंदे ।

तजि दे गर्ब गुमाना ॥ १ ॥

कनक कोट लंकापति रावन,

सोऊ खाक समाना ।

पाँच पचीस एक नहिं आवत,

ता तैं फिरत भुलाना ॥ २ ॥

सुमति मती जे छिमा साधु हैं,

तिन हरि काँ पहिचाना ।

जगजीवन जीवत ते प्रानी,

जिन हरि चरनन ध्याना ॥ ३ ॥

॥ शब्द ५६ ॥

संतो गहड़ु सुरति सँभारि ।

वहि समय जो किहिन है उन, सो सुधि दिह्यो बिसारि ॥ १ ॥

इहाँ तौ कोउ नाहिं थिर है, रहैगा दिन चारि ।

खाइ लेहै काल सब कहँ, जैसे मूस मजारि ॥ २ ॥

भाइ भगनी मातु पितु, परिवार हितु सुत नारि ।

अन्त कोउ ना काम अइहै, कोउ न लेहि उबारि ॥ ३ ॥

जानि बृथा मन नाम सुमिरौ, कहत सब्द पुकारि ।

जगजीवन गुरु चरन गहि रहू, सोई लेहि उबारि ॥ ४ ॥

॥ शब्द ५७ ॥

साधो सत्त नाम जपु प्यारा ॥ टेक ॥

सत्तनाम अंतर धुनि लागी, बास किहे संसारा ।

ऐसे गुप्प चुप्प है सुमिरहु, बिरले लखै निहारा ॥ १ ॥

तजहु बिबाद कुसंगति सबकै, कठिन अहै यह धारा ।

सत्तनाम कै बेड़ा बाँधहु, उतरन काँ भव पारा ॥ २ ॥

जन्म पदारथ पाइ जक्त महुँ, आपुन मरहु सँभारा ।

जगजीवन यह सत्त नाम है, पापी केतिक तारा ॥ ३ ॥

॥ शब्द ५८ ॥

मन तुम भजहु नामहि नाम ।

तारि लीन्ह्यो बहुत पतितन उत्तम अस नाम ॥ १ ॥

गह्यो जिन परतीत करिकै भये तिन के काम ।

मिटे दुख संताप तिन के भयो सुख आराम ॥ २ ॥

देखि सुख परि भूल नाहीं दौलत औ धन धाम ।

अहै यह सब झूठ आसा नाहिं आवहि काम ॥ ३ ॥

चढ़हु ऊंचे नीच हूँ कै गगन है भल ग्राम ।
जगजीवन दास निहारि मूरति चरन करु विस्राम ॥ ४ ॥

॥ शब्द ५६ ॥

अरे मन करहु नाम तैं प्रीति ।

सीतलं सूसील मारग चलहु ऐसी रीति ॥ १ ॥

त्यागि दे बकवाद निंदा आवलनि^१ आनीति^२ ।

पाइ काया कनक की यह नाम बिनु ज्यों भीति ॥ २ ॥

आइ यह मृतु लोक में पछितानि करि आनीति^२ ।

मारि कालं खाइ लीन्हो समुझि समय वितोति ॥ ३ ॥

जुक्ति यहि जग बास करु रहु जक्त वेपरतीति ।

जगजीवन बिस्वास करि गुरु चरन रहु सत सीति ॥ ४ ॥

॥ शब्द ६० ॥

बैठि रहहु मन चरनन पास ।

काहे क अरमत फिरहु उदास ॥ १ ॥

राखहु दुइ कर सीस लगाइ ।

सोवत जागत बिसरि न जाइ ॥ २ ॥

निरखहु निर्मल जोति निहारि ।

नहि उनकी सम कोउ अनुहारि^३ ॥ ३ ॥

रवि ससि रूप डारि तैं वारि ।

रहु सत गति गहि डोरि सँभारि ॥ ४ ॥

ब्रह्मा रहे वेद धुनि लाइ ।

संकर अंग में अस्म लगाइ ॥ ५ ॥

बिस्तु जाइ मन तहाँ मसानि ।

सो अब कहि नहि जात बखानि ॥ ६ ॥

जग महँ काया है उद्यान^१ ।

जो आये सो सबै भुलान ॥ ७ ॥

रहनि राम गहि नाम कि आस ।

उदित साध ते भये प्रकास ॥ ८ ॥

जगजीवन करु गगन भँडान ।

निरखहु सतगुरु सो निरवान ॥ ९ ॥

॥ शब्द ६१ ॥

डोरि पोढ़ि लागि रहै अंतर के माहीं ॥

निरखि परखि लै लगाय लखै कोउ नाहीं ।

गगन सहर लै दुकान बैठहु थिर ताहीं ॥ १ ॥

सेस ब्रह्मा बिस्तु संकर जोति निरमल वाहीं ।

भानु बिन बिहान है तहँ ससि गन नाहीं ॥ २ ॥

पवन पानी तें बिहून कनि मनि बरसाहीं ।

जगजीवन प्रकास सतगुरु सीस चरन रहहीं ॥ ३ ॥

॥ शब्द ६२ ॥

साधो कहौ तो कहा न जाई ।

अनुचित चरित देखि दुनिया के, मन महँ रहौं चुपाई ॥ १ ॥

जहवाँ चर्चा होत नाम कै, काहू नाहि सोहाई ।

परपंची कछु औरहि भापै, बहुत करहि कुटिलाई ॥ २ ॥

सुख के फल ते खाइ न पाइन, बिष रस बहुत हिताई ।

किहिन बिगार है जन्म जन्म का, परे नर्क महँ जाई ॥ ३ ॥

स्वाय अघाय फूलि कै बैठे, गर्व करहि अधिकाई ।

सुमति पराय^२ परचित है बैठे, कुमति प्रगट में आई ॥ ४ ॥

मैं तैं गर्व गुमान त्यागि कै, नय चालहु दिनताई ।

जगजीवन डर नाहि काल का, लेहै नाम बचाई ॥ ५ ॥

॥ शब्द ६३ ॥

अरे मन करहु सत्त विचार ।

समुझि बूझि कै जानि आपन, बृथा है संसार ॥ १ ॥

नीर बुंद तें साज कीन्हो, एतो है बिस्तार ।

नगर उत्तम बनो आहै, सोइ न वारा पार ॥ २ ॥

तहाँ के परधान पाँचो, करहिं बहु अपकार ।

संग ताहि पचीस नारी^१, किहेहु नहिं व्योहार ॥ ३ ॥मिलि चलहु बस करहु तीसौ^२, संग लै कै सिधार ।

जगजिवन दास गुफा गगन महँ, निरखि छबिहि नियार ॥ ४ ॥

॥ शब्द ६४ ॥

मन बिनु समुझे नाहीं होय ।

महा अपरबल अहै माया, भूलि रहे सब कोय ॥ १ ॥

सुख आनंद में परयो गाफिल, डारि सर्वस खोय ।

अंत काल पछिताय रहे हैं, चले कर मलि रोय ॥ २ ॥

नाहिं काहु क अहै कोऊ, कहै आपन सोय ।

पुछिहै कछु कीन्ह करतब, बहुत फजिहत होय ॥ ३ ॥

डोरि पोढ़ि लगाय रहि जग, नाहिं पूछै कोय ।

जगजिवन दासं चरन गहि मन, अचल अमर होय ॥ ४ ॥

॥ शब्द ६५ ॥

मन रे प्रभु सों चित्त लगाव ।

छाँड़ि दे जंजाल जक्त को,

गुरु मारग माँ आव ॥ १ ॥

गुरु के बचन हृदय धरु मूरख,

ज्ञान ध्यान मन लाव ।

अष्ट कमल दल भीतर राजा,
पाँच तत्त को राव ॥ २ ॥
त्रिकुटी मध्य दृष्टि करु नैनन,
ताड़ी तहाँ लगाव ।
मणि समान दीपक करु मनसा,
जोति में जोति मिलाव ॥ ३ ॥
मन औ पवन होत जब इकतर^१,
नाहीं बीच बराव ।
जगजीवन के प्रभु सिर नायक,
आनंद मंगल गाव ॥ ४ ॥

॥ शब्द ६६ ॥

सत्त नाम सुमिरहु मन माहीं ॥ टेक ॥
यह तौ बजार है पाप पुन को ।
नेकी बदी दुइ सौदा बिकाहीं ॥ १ ॥
केहु नेकी केहु बदी बनज करि ।
सो बिसाहि अपने घर माहीं ॥ २ ॥
जगजिवनदास जे नाम बनज कियो ।
अमर भये ते मरहीं नाहीं ॥ ३ ॥

॥ शब्द ६७ ॥

ए मन काहे क परयो भुलाइ ।
काहे डारयो सुधि बिसराइ ॥ १ ॥
जब तुम आयहु करि इकरार ।
तब तुम नाहीं कीन्ह बिचार ॥ २ ॥
छिया बुंद माँ रह्यो समाइ ।
तब हूँ नाहीं कछू चेताइ ॥ ३ ॥

जाया पहिरि अयो मस्तान ।

रह दस मास न किह्यो तेवान^१ ॥ ४ ॥

जरयो नहीं अग्निनी महँ अंग ।

बाहर होत भयो चित भंग ॥ ५ ॥

गोद लाय फिरि दूध पियाई ।

जुबा में जुबती बहुत हिताई ॥ ६ ॥

काशी करम गयो सब भूले ।

मुक्के खात रहहु गे भूले ॥ ७ ॥

बृद्ध भयो तब सुद्धि सँभारि ।

तब नहि सुमिरन जात सँवारि ॥ ८ ॥

कफ खाँसी औ सीत सताइ ।

सँवरि सँवरि^२ तब रहि पछिताइ ॥ ९ ॥

उलटि लगाय रह्यो दृढ़ डोरी ।

कहों सिखाय रह्यो मन मोरी ॥ १० ॥

जगजीवन सत मत गहि डोरी ।

ससि चकोर ज्यों रहि टक जोरी ॥ ११ ॥

॥ शब्द ६८ ॥

साधो भजहु नाम मन लाइ ।

बहुरि नहीं अस औसर पाइ ॥ १ ॥

अब के चूका चूका सोइ ।

बहुरे नाहि सँवारहि कोइ ॥ २ ॥

माया मोह तकि सबै भुलाना ।

अंत काल सोई पछिताना ॥ ३ ॥

राजा रंक छत्र-पति सोई ।

बिनु वह नाम गये ते रोई ॥ ४ ॥

बुरा न मानहु कहूँ पुकारी ।

देखु आपने मनहिं विचारी ॥ ५ ॥

यहि ते उत्तम अरु कछु नाहीं ।

धन वै दास अहैं जग माहीं ॥ ६ ॥

जगजीवन कहि प्रगट पुकारी ।

जिन सुमिरा तिन लिया कुल तारो ॥ ७ ॥

॥ शब्द ६९ ॥

जग की कही जात नहिं भाई ।

नैनन देखि परखि करि लीन्ह्यो, तऊ न रह्यो चुपाई ॥ १ ॥

आहै साँच भूँठ कहि भाषहिं, भूँठेह साँच गोहराई ।

ताहि पाप संताप परैगे, भर्म परे ते जाई ॥ २ ॥

निंदा करत हैं जानि बूझि कै, जहाँ तहाँ कुटिलाई ।

जानत अहैं बनाउ ताहि का, देइहि ताहि सजाई ॥ ३ ॥

मैं तौ सरन हों ताहि चरन की, सूरति नहिं बिसराई ।

जगजीवन है ताहि भरोसे, कहै सो तैसे जाई ॥ ४ ॥

॥ शब्द ७० ॥

प्रात नाम सतगुरु का गावै ।

अतै मनुवाँ नाहिं बहावै ॥ १ ॥

मनुवाँ बहै भजन नहिं होय ।

जाइहि भजन बरत सब खोय ॥ २ ॥

दृढ़ है अंतर जपिये जापा ।

जेहि तें जाहिं कर्म कटि पापा ॥ ३ ॥

अजपा जाप जपै जो कोई ।

परगट कहौं भक्त सो होई ॥ ४ ॥

साधू भये सोई जग माहीं ।

जैसे पदुम कमल जल माहीं ॥ ५ ॥

जग तें न्यारे भये निरासा ।

जगजीवन तेहि चरन क दासा ॥ ६ ॥

॥ शब्द ७१ ॥

करहु बंदगी बंदे सोई ।

जेहि तें अंत भला कछु होई ॥ १ ॥

तजहु बिबाद न निंदा करहु ।

दीन होय मन अपने रहहु ॥ २ ॥

मत सो मत मैं देऊँ बताई ।

भजहु नाम यहि जुक्ति तें जाई ॥ ३ ॥

त्यागि देहु मन गरब गुमान ।

तौ भल मानहिं कृपानिधान ॥ ४ ॥

साध कहत औ वेद पुरान ।

सत्त सब्द याहै परमान ॥ ५ ॥

दुइ अच्चर गहू तत सार ।

याहै सत मत कीन बिचार ॥ ६ ॥

जगजीवन चरनन लिपटान ।

निरखहु छवि निरगुन निरवान ॥ ७ ॥

॥ शब्द ७२ ॥

मन मदमाते फिरहिं बेहाल ।

अंत भयो धरि खायो काल ॥ १ ॥

तत्त ज्ञान मन कीन बिचार ।

सुकृत नाम भजु होय उबार ॥ २ ॥

यह उपदेस देत हौं सोई ।

देह धरे कछु दुख न होई ॥ ३ ॥

वेद ग्रंथ ज्ञान लियो छानी ।

चेत सचेत है लीजै जानी ॥ ४ ॥

जगजीवन कहै परगट ज्ञान ।

उलटि पवन गहि धरि रहु ध्यान ॥ ५ ॥

॥ शब्द ७३ ॥

जिन मन गह्यो नामहि जानि ।

त्यागि दुविधा रहे दृढ़ि ह्वै, और नहिं उर आनि ॥ १ ॥

हर्ष सोकं नाहिं आह्वै, नाहिं लाभ न हानि ।

नाहिं छूटत रहत जोरे, साध भे निर्बानि ॥ २ ॥

अहैं विरले जगत माँ यहि, कवन में केतानि ।

जगजीवन निर्बान भा मन, पदुम पात ज्यों पानि ॥ ३ ॥

॥ शब्द ७४ ॥

साधो दुइ अञ्जर तत सार ।

सोई रटत रहौ घट भीतर,

और न करहु विचार ॥ १ ॥

जिभ्या जपु नहिं कर माला नहिं,

सहज रमहु संसार ।

कहहु न प्रगट भेद काहु तें,

होइहि कहे विगार ॥ २ ॥

सुच औ असुच न मानहु एकौ,

सहज अचार विचार ।

ऐसी रहनि गहन करि रहिये,

मिलन न लावहु बार ॥ ३ ॥

कहौ पुकार विचार लेहु मन,

और न मत अधिकार ।

जगजीवन बिस्वास करै सुनि,

उतरि जाय भव पार ॥ ४ ॥

॥ शब्द ७५ ॥

मन तुम रहहु चरनन लागि ।

काहू की नहिं करहु आसा, देहु सरबस त्यागि ॥ १ ॥

रह्यो सोवत बहुत दिन लहि, सुखद बहु हित लागि ।

गुरु जब उपदेस दीन्हो, चौंकि उठि तब जागि ॥ २ ॥

जुगन जुग सँग नाहिं छूटै, लेहु यह वर माँगि ।

निरखि सूरति रहहु लागे, भीज रँग रस पागि ॥ ३ ॥

निरगुनं निरवान निरमल, डोरि सत मन लागि ।

जगजीवन यहि जुक्ति तैं, तब जानु आपन भागि ॥ ४ ॥

॥ शब्द ७६ ॥

नाम सुमिर मन बावरे,

कहा फिरत भुलाना हो ॥ टेक ॥

मट्टी का बना पूतना^१,

पानी सँग साना हो ।

इक दिन हंसा चलि बसै,

घर बार विराना हो ॥ १ ॥

निसि अँधियारी कोठरी,

दूजे दिया न बाती हो ।

बाँह पकरि जम लै चलै,

कोउ संग न साथी हो ॥ २ ॥

गज रथ घोड़ा पालको,

अरु सकल समाजा ही ।

इक दिन तजि चल जायँगे,

रानी औ राजा हो ॥ ३ ॥

सेमर पर बैठा सुवना,
 लाल फर देख भुलाना हो ।
 मारत टोंट भुआ उधिराना,
 फिरि पाछे पछिताना हो ॥ ४ ॥
 गूलर कै तू मुनगा,
 तू का आय समाना हो ।
 जगजीवन दास बिचारि कहत,
 सब को वहाँ जाना हो ॥ ५ ॥

गुरु और शब्द महिमा

॥ शब्द १ ॥

अब जग हमहिं सिखवत आनि ।
 करत हैं चतुराइ बहु बिध, अहैं पाप की खानि ॥ १ ॥
 कहैं सिखि सुनि लिहिनि बातैं, कहत अहैं बखानि ।
 आप का कछु चेत नाहीं, भजन की है हानि ॥ २ ॥
 करत नहिं अंदेस भूले, अहहिं ते अभिमानि ।
 अन्तहूँ पछिताइ हैं, फिर डूबिहैं बिन पानि ॥ ३ ॥
 भजहु नाम गुनाह मैटहि, सरन आपनि आनि ।
 जगजिवन दास बचाउ इहि, गुरु सब्द कहि परमानि ॥ ४ ॥

॥ शब्द २ ॥

जे जन नाम भजि बलवान ।

ताहि केवल कोइ नाहीं, कौन मारै मान ॥ १ ॥
 रहत निरखत पलक छिन छिन, नाम बहु निर्बान ।
 चाखि पीवै जिवै जुग जुग, काल देखि डेरान ॥ २ ॥
 कहत कथा प्रगास करि कै, जुगन जुग का ज्ञान ।
 उत्तरि गो सो पार कामन, जानि मानि प्रमान ॥ ३ ॥

ताहि कीरति कवन गावै, कहत वेद पुरान ।
जगजीवन बिस्वास करि, गुरुवरन तें लिपटान ॥ ४ ॥

॥ शब्द ३ ॥

यहि बन बनत नाहि बनाये ।
नाहिं है निर्बान कबहुँ,
नाम बिनु बहु गाये ॥ १ ॥

पाँच एइ परपंच डारहिं,
रात दिन भरमाये ।
कवन हटकै कहै के नहिं,
लेत अहहिं नसाये ॥ २ ॥

पास लिहे पचीस कतियाँ,
खात अहहिं धराये ।
जुक्ति डोरी लाय कै,
तौ रमहु इन्हहिं फँदाये ॥ ३ ॥

चढ़िकै सिखरहिं^१ जिकिर^२ लावहु,
सुरति मूरति लाये ।
जगजीवन निर्बान भे,
ते दरस गुरु के पाये ॥ ४ ॥

॥ शब्द ४ ॥

साधो अस समौ बहुरि न होई ॥ टेक ॥
लेहु बिचारि सँभारि डोरि गहि,
यहि तें मंत्र न कोई ।
भजहु जानि परतीत आनि मन,
सुफल सिद्ध सब होई ॥ १ ॥

जिन नहिं जाना सो पछिताये,
 रहे मनहिं मन रोई ।
 काह भयो नर की काया धरि,
 बृथा जन्म गा खोई ॥ २ ॥
 जागे भागि पागि रस माते,
 पल छिन नाहिं बिछोई ।
 जगजीवन भवसागर तरिगे,
 मूर्ति रहे समोई ॥ ३ ॥

॥ शब्द ५ ॥

मन जग जन्म कै भजि लेहु ।
 चूकि ना यह पाय औसर,
 फिरि दोष ना केहु देहु ॥ १ ॥
 धाम दौलत बहुत दुनियाँ,
 किहिनि जानि सनेहु ।
 गयो निज पछिताय कै,
 सब भूँठ सुत हितु गेहु ॥ २ ॥
 आइ जे जे जगत महँ,
 यहि भयो ते ते खेहु ।
 नाम बिनु कछु काम का नहिं,
 ज्यौं गल्यो कागद मेंहु^१ ॥ ३ ॥
 करहु मन परतीत अपने,
 चित्त चरनन देहु ।
 जगजिवन दुख सुख दूर होइहि,
 अमर जुग जुग होहु ॥ ४ ॥

॥ शब्द ६ ॥

यहि जग नाम भजे तरि गये ।
 आप जग महुँ देह धरि कै, भक्त ते ते भये ॥ १ ॥
 जौन लागी रहो पुर्बुज, तौनि अंतर गये ।
 ताहि रस ते प्रगट भाखौ, जबहिं मस्त भये ॥ २ ॥
 रहि सँभारे डोरि लाये, दूरि दुविधा किये ।
 निरखत रहे निहारि निर्मल, सीस चरनन दिये ॥ ३ ॥
 गावत हैं वेद ग्रंथहु, नाम महिमा किये ।
 जगजीवन बिस्वास गहे, ते अमर जुग जुग भये ॥ ४ ॥

॥ शब्द ७ ॥

मनुवाँ जोग करै नहिं जाना ।
 चौक चौतरा बैठि रहै का,
 अन्तै करत पयाना ॥ १ ॥
 धावत आवत थिर न रहतु है,
 दृढ़ नहिं करत अड़ाना ।
 तीनि तैं आस निरास होत नहिं,
 तातैं फिरत भुलाना ॥ २ ॥
 गुरु गुनि मंत्र लेहु बैठि सिखि,
 अचल रहहु ठहराना ।
 लावहु सीस चरन में देखि कै,
 भलकत छवि बिनु भाना ॥ ३ ॥
 पास बास रस पाइ मस्त है,
 सतगुरु के मन माना ।
 जगजीवन अम्बर है जोगी,
 परगट कियो बखाना ॥ ४ ॥

॥ शब्द ८ ॥

रहु मन नाम तें लौ लाय ।

नाम तें जे नहिं राते, गये ते पछिताय ॥ १ ॥

नाहिं दौलत धाम भूलै, प्रभुइ दीन्ह बनाय ।

जबहिं साईं खैंचि लेहै, कहाँ कहँ दहु जाय ॥ २ ॥

गर्व तजहु गुमान में तैं, चलहु कै दिनताय ।

चहहु कछु दिन भला आपन, देत अहाँ लखाय ॥ ३ ॥

अहै परगट नाहिं गुप्त, बूझि जैसी आय ।

जगजीवन बिस्वास करि, गुरु चरन रहु लिपटाय ॥ ४ ॥

॥ शब्द ९ ॥

साधो कठिन है उदयान ॥ टेक ॥

नहीं है कछु अंत यहि का, आइ सबै भुलान ।

पियो यह रस बिसरि गावत, नाहिं करहि तेवान ॥ १ ॥

मरत नहिं मैं केहू बिधि तैं, करत है नुकसान ।

नहिं बिचारै परे जारै, बिसरि गा औसान ॥ २ ॥

इहाँ के नहिं उहाँ के भे, बीच बीच बिलान ।

समौ बीते काम का नहिं, समुझि कै पछितान ॥ ३ ॥

समुझि डोरी नाम की गहि, गगन कीन्ह पयान ।

जगजिवन गुरु के पास पहुँचे, निरखि तकि निर्बान ॥ ४ ॥

॥ शब्द १० ॥

प्रभु जी आपनो मोहिं जानि ।

औगुनं अनेक मेदि कै, चरन सरनहिं आनि ॥ १ ॥

अमत मन यहु नाहिं थिर है, होत भजन कै हानि ।

मोरि बपुरे केरि कह बसि, नाहिं मानत कानि ॥ २ ॥

बहत आहों करों सुमिरन, अवर अवरै ठानि ।
 संत पर जेहिं कियो किरपा, दियो सत मत छानि ॥ ३ ॥
 पाइ रस सो मस्त है गे, निर्मल भे निर्बानि ।
 जगजीवन गुरु मंत्र दीन्ह्यौ, चरन रहे लिपटानि ॥ ४ ॥

॥ शब्द ११ ॥

अजब यहि नगर करे सवॉर ।

अहै काया सहर जा को, नाहिं वारा पार ॥ १ ॥
 दरवाज नौ दस बंद आहैं, साजि कियो करतार ।
 तहँ लोक तीनिउँ चौथ जगमग, सूकृतं बाजार ॥ २ ॥
 तह भरत मन-मनि सस्त है, लै पाइ नित्र अहार ।
 संतोष होइ पै तृप्ति नाहीं, मिलि होय नाहिं निनार ॥ ३ ॥
 ब्रह्म बिस्नु महेस सेसं, एक चित निरधार ।
 निर्बान निर्मल जोति ब्यकै, निर्गुनं निरंकार ॥ ४ ॥
 तहँ दिप्त वारों भानु ससि की, विदित है अबिकार ।
 तहँ सुद्धि नाहीं बुद्धि नाहीं, सब्द की टकसार ॥ ५ ॥
 अस जानि पाइ छिपाइ कोइ कोइ, बिरल है संसार ।
 जगजिवन गुरु के चरन गहि रहु, सुन्नंकार ॥ ६ ॥

॥ शब्द १२ ॥

सुनु सुनु सखि री, चरन कमल तें लागि रहु री ॥ टेक ॥
 नीचे तें चढ़ि ऊँचे पाउ ।

मंदिल गगन मगन है गाउ ॥ १ ॥
 दृढ़ करि डोरि पोढ़ि करि लाव ।

इत उत कतहूँ नाहीं धाव ॥ २ ॥
 सत समरथ पिय जीव मिलाव ।

नैन दरस रस आनि पिलाव ॥ ३ ॥

माती रहहु सबै बिसराव ।

आदि अंत तें बहु सुख पाव ॥ ४ ॥

सन्मुख है पाछे नहि आव ।

जुग जुग बाँधहु एहै दाँव ॥ ५ ॥

जगजीवन सखि बना वनाव ।

अब में काहु क नाहि डेराँव ॥ ६ ॥

॥ शब्द १३ ॥

बौरे समुझि देखहु ज्ञान ।

महा अपरबल अहै माया, अंत काहु न जान ॥ १ ॥

पवन औ जल कियो धरतो, कियो गन ससि खान ।

लगे सब टकसार अपनी, खँध विनु असमान ॥ २ ॥

देखु नैन पसारि अचरज, प्रगट नाहि छिपान ।

जहाँ जसि है तहाँ तसि है, तहाँ तसि धर ध्यान ॥ ३ ॥

शब्द ज्ञान गरंथ वेदं, करहिं सबै बयान ।

जिन कियो छिन महँ बुन्द तेनी, ऐसे कृपानिधान ॥ ४ ॥

दुइ अंक अजपा जपहु अंतर, तजहु सबै तेवान ।

जगजीवन बिस्वास चरनं, करहिं वै औसान ॥ ५ ॥

॥ शब्द १४ ॥

चित्त नित रहै लागि पलक नाहि छूटै ॥ टेक ॥

तागा ज्यों उगलि मकरी पुष्ट नाहि दूटै ।

ऐसी यह जुक्ति पाइ ध्यान नाहि मीटै ॥ १ ॥

नैनन तें उलटि निरखि सत सप्राय लीटै ।

संग गुरु प्रसंग ताहि कबहुँ नाहि फूटै ॥ २ ॥

पाँच औ पचीस पाइ लाइ जुक्ति कूटै ।

जगजिवनदास दरस मोती हंस चौंच लूटै ॥ ३ ॥

॥ शब्द १५ ॥

अरे मन गुरु चरन नहिं त्यागु ।

हर्ष सोक बिसार, दृढ़ सत नामहीं अनुरागु ॥ १ ॥

सूत सेज न मोह माया, चौंकि चेतनि जागु ।

छाँड़ि दे सब जग्त आसा, उलटि तेहि तें लागु ॥ २ ॥

गगन जगमग वारि रवि ससि, निरखि रस लै पागु ।

सीस दै कर जोरि कै तहँ, भक्ति ही बर माँगु ॥ ३ ॥

अमर मरु नहिं आउ नहिं जा, रैनि बासर लागु ।

जगजिवनदासं पास है रहु, सर्व जागह भागु ॥ ४ ॥

॥ शब्द १६ ॥

सब जग मैं मैं करि के भुलाना ।

आनि परे बसि यहि माया महँ,

सुधि नहिं पाछिल आना ॥ १ ॥

अरुमै धंध अंध मद-माते, बिसरि गयो यह ज्ञाना ।

निसु दिन परपंचहि माँ बीतत,

छिन पल राम न जाना ॥ २ ॥

फूले धाम देखि धन दौलत, संत सब्द नहिं माना ।

लीन्ह्यौ खैचि कै भान जोति ज्यौं,

मिटि गा गर्व गुमाना ॥ ३ ॥

कस न विचारि सँभारि गहै मन, जानै सकल बिराना ।

जगजीवन यहि जुक्ति जग्त रहि,

तेहिं काँ नहिं नकसाना ॥ ४ ॥

॥ शब्द १७ ॥

करिये निरवान ध्यान चरनन लपटाई ॥ टेक ॥

इत उत देखि नैनन सों चित्त ना बहाई ।

गगन बैठे मगन रहिये मंत्र ह्यौं सिखाई ॥ १ ॥

तीर्थ तहवाँ वासु मूरति छवि जल अन्हारै ।
 नेग कर्म भर्म छूटि छिनहिं निर्मल है जाई ॥ २ ॥
 बिना नीर पिंड उदित उजियर तहँ दोपक बिनु छारै ।
 अनूप रूप सुन्दरं ससि भानु जाहिं छिपाई ॥ ३ ॥
 अस कर हम न साखि सो गुरु सत ना बिसराई ।
 जगजिवनदास संत गुप्तं प्रगटहिं गोहराई ॥ ४ ॥

॥ शब्द १८ ॥

अरे मन चरन तें रहु लागि ।
 जोरि दुइ कर सोस दैकै, भक्ति बर ले माँगि ॥ १ ॥
 और आसा झूठि आहै, गर्म जैसे आगि ।
 परहिंगे सो जरहिंगे, पै देहु सर्व तियागि ॥ २ ॥
 समौ फिरि एहु पाइहै नहिं, सोउ नहिं गहि जागि ।
 चेतु पाछिल सुद्धि करिकै, दरस रस रहु पागि ॥ ३ ॥
 कठिन माया है अपरबल, संग सब के लागि ।
 मूल तें कोइ बचे बिरले, गगन बैठे भागि ॥ ४ ॥
 भर्म नहिं तहँ भयो निर्भय, सत्त रत बैरागि ।
 जगजीवन निर्बान भे, गुरु दया जागे भागि ॥ ५ ॥

॥ शब्द १९ ॥

जब सुन सब्द मानै कोय ॥ टेक ॥

लाभ दिन दिन सुखित होवै, हानि कबहुँ न होय ।
 देखि करि तेहिं सुक्ति नाही, नर्क परिहै सोय ॥ १ ॥
 सब्द भाखै करै साँचा, सत्त सत्त समोय ।
 पहुँच गे वे गगन घर साँ, काल खाय न कोय ॥ २ ॥
 तहँ बैठि है निर्बान सतगुरु, चरन गहि रहि सोय ।
 जगजिवन ते अमर जुग जुग, आवा गवन न होय ॥ ३ ॥

॥ शब्द २० ॥

मन मैं मारि आगम जान ।

तीरु तैं यह बज्र धागा, होइहै नकसान ॥ १ ॥

गर्व और गुमान छाँड़हु, तजहु और तैवान ।

नाहिं थिर सब खाक होइहि, चलत जैसे धान ॥ २ ॥

पाँच और पचीस लैकै, साँच भीतर आन ।

लाव धागा रहौ लागा, गगन कर मंडान ॥ ३ ॥

तहाँ सतगुरु बैठु तेहि ढिँग, निरखि करु पहिचान ।

जगजिवन चरनन सीस दै रहु, अनत करु न पयान ॥ ४ ॥

॥ शब्द २१ ॥

अरे मन रहहु रटना लाइ ॥ टेक ॥

नाहिं छूटै प्रीति कबहूँ, छाँड़ि दे गफिलाइ ।

जस्त माया जार बंधा, अंध सूक्ति न आइ ॥ १ ॥

हैं सचेत अचेत हो नहिं, लेहु आपु बचाइ ।

चढ़हु गढ़ जहँ गगन गुरु हैं, बैठु थिर हूँ जाइ ॥ २ ॥

है मवासं पास चरनन, काल का डर नाहिं ।

जगजिवनदास निहार मूरति, तकहु इक-टक लाइ ॥ ३ ॥

॥ शब्द २२ ॥

मन इह नाम बिसरि न जाय ॥ टेक ॥

मूल मंत्रं इहै आहै, दियो ज्ञान बताइ ।

नाम समता नहीं है कछु, अंत काहु न पाइ ॥ १ ॥

नाम बल ससि भानु रथ, चढ़ि अघर गगन उड़ाइ ।

नाम को बल पाइ हनुमँत, लंक जाख्यो जाइ ॥ २ ॥

सेस ब्रह्मा बिस्नु संकर, रहे ताड़ी लाइ ।

जगजीवन विस्वास करि, गुरु चरन रहु लिपटाइ ॥ ३ ॥

॥ शब्द २३ ॥

मन तुम करहु गगन मँडान ।

त्यागि दे सब जगत आसा, निरख सो निर्वान ॥ १ ॥

सिद्ध साध औ कहत जोगी, भला है अस्थान ।

मारि आसन बैठु दृढ़ है, अनत करु न पयान ॥ २ ॥

बैठि रहिये पास सतगुरु, देखि सिखिये ज्ञान ।

रहहु ऐसे लागि जुग जुग, मानिये परमान ॥ ३ ॥

देख नैनन चाखि अमृत, रहिय है भस्तान ।

जगजीवन सतगुरु चरनन, सोस करु कुरवान ॥ ४ ॥

॥ शब्द २४ ॥

गुरु बलिहारियाँ मैं जाऊँ ॥ टेक ॥

डोरि लागी पोढ़ि, अब मैं जपहुँ तुम्हरा नाउँ ।

नहीं इत उत जात मनुवाँ, गगन बासा गाउँ ॥ १ ॥

महा निर्मल रूप छवि सत, निरखि नैन अन्हाउँ ।

नहीं दुख सुख भर्म ब्यापै, तप्त नीचे आउँ ॥ २ ॥

मारि आसन बैठि थिर हूँ, काहु नाहि डेराउँ ।

जगजीवन निर्वान भे, सत सदा संगी आउँ ॥ ३ ॥

॥ शब्द २५ ॥

मोर दिल भयो मतवारा ।

मैं तौ प्रभु के चरनन लाग्यो, बाउर कहै संसारा ॥ १ ॥

अधर बैठि अमृत रस पीवौं, नाम कै करत पुकारा ।

जगजीवन सतगुरु को भेंटै, उतरे भव जल पारा ॥ २ ॥

॥ शब्द २६ ॥

साधो सुमिरन भजन करो ।

मन महँ दुविधा आनहु नाही, सहजहिं ध्यान धरो ॥ १ ॥

धीरज धरि संसय नहिं राखहु, नाम भरोसे रहो ।
जगजीवन सतगुरु को भेंटो, थवजल पार तरौ ॥ २ ॥

॥ शब्द २७ ॥

देखो री जोगिया रहत कहाँ ।
तीनि लोक महँ साया बसत है,
चौथे लोक रहत है तहाँ ॥ १ ॥
अरध सिंहासन बनो अहै री,
जोगी बैठि रहत है तहाँ ।
जगजीवन संतन महँ खोजो,
कर विचार अपने मन महौ ॥ २ ॥

॥ शब्द २८ ॥

यहु मन गगन मंदिल राखु ।
सब्द की चढ़ देखु सीढ़ी, प्रेम रस तहँ चाखु ॥ १ ॥
रहहु दृढ़ करि मारि आसन, मंत्र अजपा भाखु ।
मते गुरुमुख होहु तहवाँ, जगत आस न राखु ॥ २ ॥
पाँच बसि कसि बैठि रहिकै, भानु कबहुँ न माखु ।
ईस अहहि पचीस इन कै, सदा मन हित वाखु ॥ ३ ॥
देहु सब बिसराइ करिकै, एही धंधे लागु ।
जगजिवनदास निरखि करिकै, नयन दर्शन माँगु ॥ ४ ॥

॥ शब्द २९ ॥

नामहिं बड़े भाग तें पायो ।
नेग जन्म लहि भयत बीता,
सूझि बुझि नहिं आयो ॥ १ ॥
अब की सँवारु इहै करै का,
जो बिगार करि आयो ।

किरपा करि निरबाह करन कहँ,
अवसर भल इह पायो ॥ २ ॥

हृक चूक होत मन मोरे,
जब तब रहि बिसरायो ।

अब निःसंक नाहिं डेर लागत,
जब तें मंत्र सिखायो ॥ ३ ॥

अजपा जपि बढ़ि गयो गगन कहँ,
सतगुरु दरस दिखायो ।

जगजीवन बिस्वास बास भे,
चरनन सीस लगायो ॥ ४ ॥

॥ शब्द ३० ॥

मैं देख्यों निरखि निहारि मुरति पर वारी ॥ टेक ॥
भा बिस्वास पास बासा करि,
दुनिया सकल बिसारी ।

चमकत दृष्टि बरनि नहिं आवै,
बिनु दीपक उजियारी ॥ १ ॥

नीर पिंड बिनु रूप बिराजत,
रवि ससि की छवि वारी ।

अस निर्गुन निर्बान अमूरति,
सिव बिरंच लाये ताड़ी ॥ २ ॥

सब्द कहत अस प्रगट पुकारे,
बिरले कोउ जन लेहिं विचारी ।

जगजीवन के सतगुरु समरथ,
सीस ताहि के चरनन वारी ॥ ३ ॥

॥ शब्द ३१ ॥

चरनन में लागी रहिहों री ॥ टेक ॥

और रूप सब तिरथ बतावै,

जल नहिं पैठ नहैहों री ।

रहिहों बैठि नयन तें निरखत,

अनत न कतहूँ जैहों री ॥ १ ॥

तुमहीं तें मन लाइ रहिहों,

और नहीं मन अनिहों री ।

जगजीवन के सतगुरु समरथ,

निर्मल नाम गहि रहिहों री ॥ २ ॥

॥ शब्द ३२ ॥

सुरति बसी मन नाम फिरत मतवारी ॥ टेक ॥

चित तौ लाग्यो अपने पिय सों,

डग मग पाँव न जात सँभारी ।

अंतर देखि चुपाइ रहिउँ मैं,

सूरति तुम्हरी रहिउँ निहारी ॥ १ ॥

सूरति पर सूरति वह साँची,

सो मैं रहि हों नाहिं बिसारी ।

जगजीवन सतगुरु कै सूरति,

सो मैं रहिउँ सँभारी ॥ २ ॥

॥ शब्द ३३ ॥

बनत न कतहूँ अनत न जाय ।

देखहु चरन सरन ठहराय ॥ १ ॥

नीचे तकत ऊँचे काँ जाय ।

गगन मंडल माँ तब ठहराय ॥ २ ॥

बिन कर चरन पकरि कस जाय ।

सिर नहिं माथ रहै लपटाय ॥ ३ ॥

सवन बिहूना सुनि धुनि आय ।

नैन बिहून दरस तकि पाय ॥ ४ ॥

जगजीवन अस मत जेहिं आय ।

मिलि सत मत तब सिद्ध कहाय ॥ ५ ॥

॥ शब्द ३४ ॥

साधौ कहै तौ कहा न जाय ।

आपन घर मत कोइ न बूझै,

हमहिं कहै समुझाय ॥ १ ॥

पंडित जोगी दंडी तपसी,

बहु बिबाद करै धाय ।

नाहिन नाम की ओर गही तिन्ह,

तिरथ वर्त लौ लाय ॥ २ ॥

नाहिन काहु जीत कहाँ लहि,

कहँ लहि कहै समुझाय ।

करै जाइ तस जेहिं जस भावै,

भुग्तै तैसे आय ॥ ३ ॥

विरला कोई भजन करतु है,

चाल चलै दिनताय ।

जगजीवन सतगुरु की मूरति,

चरन रहे लपटाय ॥ ४ ॥

॥ शब्द ३५ ॥

महिमा प्रभु मो सों वरनि न जाय ॥ टेक ॥

अनहद बानी मूरति बोलै, सुनहु संत चित लाय ।

अनहद ताल पखावज बाजै, तहाँ सुरति चलि जाय ॥ १ ॥

अवर न रूप कहाँ लहि बरनों, सब छवि रहे समाय ।
जगजीवन साँई कहँ लहि बरनों, रहे चरन चितलाय ॥ २ ॥
॥ शब्द ३६ ॥

तीरथ व्रत की तजि दे आमा ।
सच नाम की रटना करि के,
गगन मँडल छदि देखु तमासा ॥ १ ॥
ताहि मँदिल का अंत नहीं कछु,
रबी बिहून किरिन परगासा ।
तहाँ निरास वास करि रहिये,
काहे क शरमत फिरै उदासा ॥ २ ॥
देउँ लखाय छिपावहुँ नाहीं,
जस में देखेउँ अपने पासा ।
ऐसा कोऊ सवद सुनि ससुझै,
कटि अघ कर्म होइ तब दासा ॥ ३ ॥
नैन बाखि दरसन नरस पीवै,
ताहि नहीं है जस की त्रासा ।
जगजिवन दास सरम तेहि नाहीं,
गुरु के चरन करै सुख बिलासा ॥ ४ ॥

॥ शब्द ३७ ॥

चलु बड़ी अटरिया धाई री ।
महल में टहल करै नहि पाई,
करिये कौन उपाई री ॥ १ ॥
यहँ तौ बैरी बहुत हमारे,
तिन तें कछु न बिसाई री ।
पाँच पचीस निस दिन संतावहि,
राखा इन अरुभाई री ॥ २ ॥

साँई तो निकट बैठि सुख बिलसहि,
जोतिहि जोति मिलाई री ।

जगजीवन दास अपनाय लेहि वै,
नाहीं जीव डेराई री ॥ ३ ॥

॥ शब्द ३८ ॥

नाम बिनु केहि काम का कह जीवन संसार ॥ टेक ॥
आपनो जग कहत आहै कठिन माया जार ॥ १ ॥
लाग धागा गरे बाँधे नाहि छूटनहार ॥ २ ॥
दास बास विस्वास जगत निरखि रूप निहार ॥ ३ ॥
जगजीवन कोइ अहैं बिरले उतरि होवैं पार ॥ ४ ॥

॥ शब्द ३९ ॥

नाम रटि रटत तूकुटी गगन चढ़ि आयऊँ ॥ टेक ॥
मैं तैं पचीस पाँच डोरि एक लायऊँ ।
मैं तौ रँग संग भयो सीस ताहि नायऊँ ॥ १ ॥
सतगुरु से पाय भेद जगत नाहि आयऊँ ।
मिटेव अँधकार, ज्यों भानु भे प्रकास,

निरखि दृष्टि आयऊँ ॥ २ ॥

जुगति किये रहै ऐसी प्रगट सो बतायऊँ ।
जगजिवन दास अम्बर भे जुग जुग जस गायऊँ ॥ ३ ॥

॥ शब्द ४० ॥

भक्त जक्त त्यागि जागि लागि बरन रहु रे ॥ टेक ॥
जग प्रसंग ध्यान भंग जानि छानि तजु रे ।
रहु इकंत तंत^१ लागि जानि नाम गहु रे ॥ १ ॥
पाँच औ पचीस डोरि पोढ़ि बाँधि रहु रे ।
साधि चित्त निच भाव चरनन गुरु परु रे ॥ २ ॥

रहि निहारि निरखि रूप अनत नाहिं टरु रे ।
 जुक्ति जोग भक्ति का उपदेस ऐसे करु रे ॥ ३ ॥
 पाय खा अघाय अमी जुग जुग नहिं मरु रे ।
 जगजीवन दास आस राखु नाहिं फाँस परु रे ॥ ४ ॥

कर्म भर्म निषेध और उपदेश सतगुरु व शब्द भक्ति का ।

॥ शब्द १ ॥

हे मन थकहु तो तकहु निसान ।
 बैठहु मंडफ लाय धुनि धूनी, अनत करु न पयान ॥ १ ॥
 पाँच पचीस लगाय धागा, बाँधि रहु टहरान ।
 नैन दरसन नीर पीवै, चाखि भे मस्तान ॥ २ ॥
 नाहिं दुख सुख पवन पानी, नाहिं ससि नहिं भान ।
 नाहिं ब्रह्मा सिवं सक्ती, निर्गुनं निरवान ॥ ३ ॥
 दियो दुइ कर सीस चरनन, नाहिं भावै आन ।
 जगजीवन ते भये गुरमुख, अमर जोग दृढान ॥ ४ ॥

॥ शब्द २ ॥

कर न सुमिरिनी लेहु, अंतर धुनि लावहु रे ।
 मैं तैं माला डारि देहु, तुम दीन लीन हूँ गावहु रे ॥ १ ॥
 जो मनुवाँ करि खाक रहहु, वहि काहेक लगावहु रे^१ ।
 चंदन चरन टेक रहु निर्भय, काहेक भोजल आवहु रे ॥ २ ॥
 एहु उपदेस कहि तुमहिं सुनावहुँ, मन अँदेस बिसरावहु रे ।
 जगजीवन दास निहारि निरख कै, मुरति म सुरत मिलावहु रे ॥ ३ ॥

॥ शब्द ३ ॥

साँई मोहिं सब कहत अनारी ।
 हम कहँ कहत अजान अहँ येइ, चतुर सबै संसारी ॥ १ ॥

(१) जब मन को खाक कर डाला तो अभूत लगाने का क्या काम है ।

अहै अभेद भेद नहिं जानत, सिखि पढ़ि कहत पुकारी ।
देखि करत सो आवत नाही, डारिन भजन बिगारी ॥ २ ॥
कहा कहौं मन समुझि रहत हौं, देख्यौं दृष्टि पसारी ।
समुझाये कोइ मानत नाही, कपट बहुत अधिकारी ॥ ३ ॥
विरले कोइ जन करत वंदगी, मैं तैं डारत भारी ।
जगजीवन गुरु चरन सीस दै, निरखत रूप निहारी ॥ ४ ॥

॥ शब्द ४ ॥

संत कह्यौ रमज^१ से बानी ।

तत्त सार बताय दीन्ह्यो, काहू भेद न जानी ॥ १ ॥
बहुतक अंधे बंधे माया, आहहिं गर्व गुमानी ।
समुझाये जे समुझत नाही, होइहि तिन की हानी ॥ २ ॥
साधन की गति कहि नहिं आवै, केहि मुख कहौं बखानी ।
जगजीवन चरनन तैं लागे, निरखि जोति निर्बानी ॥ ३ ॥

॥ शब्द ५ ॥

दुनियाँ हमहिं सिखावत ज्ञान ।

आपु तौ भवजाल भूले, हमहिं कहै हैवान ॥ १ ॥
गुनन तैं मन गूँथि करि कै, करत प्रगट बखान ।
नाहिं बूझत सूझ नाही, लागि नहिं हिय बान ॥ २ ॥
धाइ धाइ सिखाइ औरै, दोऊ भरम भुलान ।
करत अहिं अस देखि नैनन, प्रगट भाखौं ज्ञान ॥ ३ ॥
बहुत फूलि कै भूलि परि हाहिं, होइ है चुकसान ।
जगजीवन जानत अहै सब, नाहिं कछू छिपान ॥ ४ ॥

॥ शब्द ६ ॥

साधौ नाम भजन जिन ठाना ।

केतौ कोइ समुझाय सिखावत,
मनहिं न आवत आना ॥ १ ॥

तीरथ व्रत और दान तपस्या,
 नाहीं एको माना ।
 सब बिसराइ मनहि नहि आवत,
 ध्यान धरै निर्बाना ॥ २ ॥
 निरखत निर्मल जोति सदा वै,
 तज दिये पानि^१ पखाना^२ ।
 तस आचार विचार हैं उनके,
 काहू गति नहि जाना ॥ ३ ॥
 सतगुरु पासहि बास किहे हहि,
 नाहीं और तेवाना^३ ।
 जगजीवन गुरु चरनन लागे,
 आपुहि करै निभाना^४ ॥ ४ ॥
 ॥ शब्द ७ ॥

साधौ बिन किरपा भक्ति न होय ।
 रात दिन जो करै बंदगी, कबूल परै नहि सोय ॥ १ ॥
 जज्ञ जान उदान^५ बास करै, कंदमूरि भखि सोय ।
 बरत रहै अस्नान तीरथ, भक्ति तबहुँ न होय ॥ २ ॥
 पढ़ै चारौ वेद बिद्या, ज्ञान कविता होय ।
 मौन है कै लाय तारी, भक्ति तबहुँ न होय ॥ ३ ॥
 काया कासी जाय कल्पै, डारि सर्वस खोय ।
 द्वारिका भुज लेय छापा, भक्ति तबहुँ न होय ॥ ४ ॥
 मुड़ाइ मूढ़ औ पहिरि माला, भ्रमत फिरै सब कोय ।
 धीर^६ तूरै करि तपस्या, भक्ति तबहुँ न होय ॥ ५ ॥

(१) पानी । (२) पत्थर । (३) फिक्र । (४) निवाह । (५) पाँच मुख्य पवन
 माने—अपनीर की स्थिति है यह हैं—प्राण, अपान, व्यान, उदान, समान । (६) प्रानायाम

पँच अग्नि तन दहि भूल भूला, पवन भञ्जै सोय ।
 बाँह तूरे रहहि ठाढ़े, भक्ति तबहुँ न होय ॥ ६ ॥
 लाइ अंग विभूति जोगी, नारि रत नहिं होय ।
 तजै माया मुलुक सर्वस, भक्ति तबहुँ न होय ॥ ७ ॥
 कृपा भै दिनताइ आई, सुमन मन आ सोय ।
 जगजिवन डोरी लाय पोढ़ी, रह्यो चरन समोय ॥ ८ ॥

॥ शब्द ८ ॥

साधौ नाम चाखि बौराना ॥ टेक ॥

लागे रहैं चरन तें निसि दिन, भावै और न आना ।
 तजो अचार विचार जगत को, सब तें रहि बिलगाना ॥ १ ॥
 उन कै गति कोउ जानत नाहीं, को करि सकै बखाना ।
 मरि कै अमर भये हैं सोई, भये हैं सिद्ध निमाना ॥ २ ॥
 हेत आस नहिं राखैं काहू, गुरु निरखहिं निरवाना ।
 जगजीवन वै साईं मिलिगे, परगट करहुँ बखाना ॥ ३ ॥

॥ शब्द ९ ॥

साधौ देखहु अंतर माहीं ।

भाँवरि भवन दिहे रहि रहिये,

अवर अहै कछु नाहीं ॥ १ ॥

बड़ बिस्तार अहै काया का,

अंत खोज कछु नाहीं ।

जिन खोजा पाया काया महँ,

बहुतेक भर्म भुलाहीं ॥ २ ॥

पाँच पचीस डोरि बसि करिये,

बलु गुरु आहै ताहीं ।

जगजीवन निर्बानी मूरति,

मिलिगे सूरत माहीं ॥ ३ ॥

॥ शब्द १० ॥

बहुतक देखी देखा करहीं ।

जोग जुक्ति कछु आवै नाहीं,

अंत भर्म महँ परहीं ॥ १ ॥

मे भरहाइ^१ अस्तुति जेइ कीन्हा,

मनहिं समुझि ना परई ।

रहनी गहनी आवै नाहीं,

सब्द कहे तें लरई ॥ २ ॥

नहीं विवेक कहे कछु औरै,

और ज्ञान कथि करई ।

सुझि बूझि कछु आवै नाहीं,

भजन न एकौ सरई ॥ ३ ॥

कहा हमार जो मानै कोई,

सिद्धि सत्त चित धरई ।

जगजीवन जो कहा न मानै,

भार^२ जाय सो परई ॥ ४ ॥

॥ शब्द ११ ॥

साधौ भक्ति सहजहि ध्यान ।

मनहिं व्यापत साँचु नाहीं, कहा प्रात अन्हान ॥ १ ॥

कहा कंठी कंठ बाँधे, सेलिह मुद्रा कान ।

कहा माला लै सुमिरनी, हिये नहिं पहिचान ॥ २ ॥

कहा तिलक लिलार दीन्हे, गूदरी निरवान ।

कहा भस्महिं अँग लाये, नाम नाहीं जान ॥ ३ ॥

कहा व्रत तप दूध पीवे, त्यागि गृह बिलगान ।

कँदमूरहिं खाहि जंगल, नाहिं जो बहु ज्ञान ॥ ४ ॥

ठाढ़ बैठे घोंच तूरहिं, तकत हैं असमान ।
 बृथा सब परतीत बिनु है, अम भूले हैवान ॥ ५ ॥
 खोज काया करहु थिर मन, त्यागि कपट सयान ।
 भजहु अंतर नाम वाहै, राम सत्त प्रमान ॥ ६ ॥
 लाउ रसना नाहिं बिसरै, प्रगट करु न बखान ।
 जगजीवन बिस्वास निरमल, होहु जैसे भान ॥ ७ ॥

॥ शब्द १२ ॥

बौरे मन को नहिं भरमाव ।

तीन लोक के करता साँई, ताहि सों ध्यान लगाव ॥ १ ॥
 तोरथ कोटि साज जिन कीन्हेउ, सो संतन हिये आव ।
 चढ़ि कै गगन देखु सूरति को, ताहि काँ सीस नवाव ॥ २ ॥
 सूरति सत्त प्रेम रस पानी, ताहि में चित अन्हवाव ।
 अमर होहु भवसागर उतरहु, नहिं आवहु नहिं जाव ॥ ३ ॥
 सतगुरु सत्त कहा यहि बानी, अलख नाम धुनि लाव ।
 जगजीवन साहब को छबि में, आपनि सुरति समाव ॥ ४ ॥

॥ शब्द १३ ॥

मन गृह ग्राम यह अस्थान ।

सात दीप नव खंड पृथ्वी, सिर उर तेहि माँ जान ॥ १ ॥
 तीनि लोक बिस्तार है तेहिं, रमत मन ससि भान ।
 चौथ इहै बनाय दोन्ह्यौ, संत राखत ध्यान ॥ २ ॥
 दरवाज नौ दस प्रगट आहैं, काहु तें न छिपान ।
 रमत तेहि के ब्रह्म भीतर, नहीं कहूँ विलगान ॥ ३ ॥
 काया भीतर खेल खेलहु, अनत करु न पयान ।
 बाहर तौ सब देखिबे को, घट अहै सो प्रमान ॥ ४ ॥
 कहत हौं उपदेस छोड़ु, अँदेस रहु ठहरान ।
 जगजीवन निर्बान सतगुरु, चरन रहु लिपटान ॥ ५ ॥

॥ शब्द १४ ॥

मन तुम रहहु चरन सरनाई ।

यहि काया का अंत खोज नहिं, काहु भेद न पाई ॥ १ ॥

तीनि लोक काया रचि दीन्ह्यौ, चौथा दीन्ह बनाई ।

तीरथ कोटि अहैं याही में, संतन दीन्ह बताई ॥ २ ॥

अजपा जाप जपत रहु निसु दिन, प्रगट न देहु जनार्द ।

इहि तें मंत्र नहीं है एकौ, भर्म न परहु भुलाई ॥ ३ ॥

सेस महेस बिस्तु औ ब्रह्मा, रहे हैं ध्यान लगाई ।

निर्गुन निरंकार वह मूरति, तेहि माँ रहौ समाई ॥ ४ ॥

रहु ठहराय गगन करु बासा, निरखि देखु निरथाई ।

जगजीवन सतगुरु की सूरति, रबि ससि छबि छिपि जाई ॥ ५ ॥

॥ शब्द १५ ॥

साधौ भेष बाँधि गफिलाने ।

रहै अभेष भेद तब छूटहि, सहज रीति मन जाने ॥ १ ॥

जब तें माला कंठी पहिरी, गर्व भयो इतराने ।

साखी सब्द बहुत सिखि लीन्हेउ, बाद बिबादहिं ठाने ॥ २ ॥

परखहिं नाहिं फिरहिं परखावत, आपन मंत्र बखाने ।

भजहिं नाहिं बसि परे मोह के, अन्त काल पछिताने ॥ ३ ॥

बहुतक देखे कपट रीति महँ, दाम के काम सयाने ।

अहैं असिद्ध मति करैं सिद्ध का, एहिपरि पाप बिलाने ॥ ४ ॥

दीन लीन होइ सहजहिं सुमिरै, सुमति सील रहे माने ।

जगजीवन तब भक्त कहावै, ते एहि कलि ठहराने ॥ ५ ॥

॥ शब्द १६ ॥

कोउ बिन भजन तरिहै नाहिं ।

करै जाय अचार केतौ, प्रात नित अन्ह्राह ॥ १ ॥

दान पुन्यं करि तपस्या, बर्त बहुत रहाहिं ।
 त्यागि बस्ती बैठि बन महँ, कंदमूरहिं खाहिं ॥ २ ॥
 पाठ करि पढ़ि बहुत विद्या, रैन दिनहिं बकाहिं ।
 गाय बहुत बजाइ बाजा, मनहिं समुझत नाहिं ॥ ३ ॥
 करहिं स्वाँसा बंद कष्टित, भाँड़ की गति आहिं ।
 साधि पवन चढ़ाय गगनहिं, कमल उलटै नाहिं ॥ ४ ॥
 साध नहिं केहु कीन ऐसे, सिखे बहुत कहाहिं ।
 प्रीति रस मन नाहिं उपजत, परे ते भव माहिं ॥ ५ ॥
 जस सँजोग बियोग तैसे, तत अन्धर दुइ आहिं ।
 रटत अंतर भेंट गुरु तें, मंत्र अजपा माहिं ॥ ६ ॥
 कहौं प्रगट पुकारि जेहि के, प्रीति अंतर आहिं ।
 जगजिवन दासँ रीति अस,
 तब चरन महँ मिलि जाहिं ॥ ७ ॥

॥ शब्द १७ ॥

चरन सरन रहौं, कहूँ अंतै नाहिं जाऊँ ॥ टेक ॥
 रही पास किहे बास, त्यागि सर्व और आस,
 भजत रहौं नाऊँ ॥ १ ॥
 तीनि त्यागि चौथ तत्त, पाँह बैठि निरभय है,
 तकोँ ना उराऊँ^१ ॥ २ ॥
 मारि आसन रहौं बैठि, नैनन टक लाय डोरि,
 निरमल सत नीर पाइ, निच सो अन्हाऊँ ॥ ३ ॥
 जुग जुग जग बैठि संग, मगन रसं तेहि रंग,
 जगजिवन दास सतगुरु सो, चेला ताहि क आऊँ^२ ॥ ४ ॥

॥ शब्द १८ ॥

सब खाकहि मिलिहै रे भाई ।

किया बहहु कर लेहु बंदगी, मव तें छाँड़हु गफिलाई ॥ १ ॥

भूलै फूलै देखि न दौलत, काहु क संग न जाई ।

पैदा भये निपैद भये ते, केहु को खबर न केहु पाई ॥ २ ॥

कहँ धौं गये कहाँ धौं वह घर, कहाँ जाइ धौं रहे समाई ।

छत्री जोधा जोगी दानौ^१, काल लीन्ह सब खाई ॥ ३ ॥

बचा नहीं कोउ ना कोइ बचिहै, मन्द कहत गोहराई ।

जगजिवन दास नाम गहि उवरे, सतगुर चरनन सरनाई ॥ ४ ॥

॥ शब्द १९ ॥

बहु पद जोरि जोरि करि गावहिं ।

साधन कहा सो काटि कपटि^२ कै,

अपन कहा गोहरावहिं ॥ १ ॥

निंदा करहिं विवाद जहाँ तहँ,

बक्ता बड़े कहावहिं ।

आपु अंध कुछ चेतत नाहीं,

औरन अर्थ बतावहिं ॥ २ ॥

जो कोउ नाम का भजन करत है,

तेहि काँ कहि भरमावहिं ।

माला मुद्रा भेष किये बहु,

जग परमोधि^३ पुजावहिं ॥ ३ ॥

जहँ ते आये सो सुधि नाहीं,

भगरे जन्म गँवावहिं ।

जगजीवन ते निन्दक बादी,

बास नर्क महुँ पावहिं ॥ ४ ॥

॥ शब्द २० ॥

अन्तर जो कोउ नाम धुनि लावै ।

अजपा रसना सदा लागि रहै, नाहीं भेद बतावै ॥ १ ॥

इत उत आस निरास होय जब, मन अस्थिर लै पावै ।

रहै ठहराय सिखर है सीतल, निरखि रूप तब आवै ॥ २ ॥

देखत अहै सुनत है सरवन, काहेक कहि गोहरावै ।

भयो मस्त रस पाय अमृतै, काहेक घंट बजावै ॥ ३ ॥

तब बैराग भयो अनुरागी, काल निकट नहिं आवै ।

जगजीवन सतगुरु की किरपा, नहिं आवै नहिं जावै ॥ ४ ॥

॥ शब्द २१ ॥

अब तौ ज्ञान कथै को भाई ।

सब्द कहत सो मानत नाहीं, केतौ कहि समुझाई ॥ १ ॥

भेष जगत सब भूले मैं तैं, सुमति न हिये समाई ।

बहु जलधर बरषहिं पखान पर, सोखत नाहीं जाई ॥ २ ॥

दोख परत सब हिये सबहिन का, सुरति नाहिं ठहराई ।

जहाँ तहाँ भ्रमत बीतत है, नाहीं भजन दृढ़ाई ॥ ३ ॥

बहु अभिमान गुमान गर्व तैं, करहिं बाद अधिकाई ।

सो करतूति भुगुति है काया, परै नर्क में जाई ॥ ४ ॥

कोइ कोइ जन मन को थिर राखैं, अन्तर रटनि लगाई ।

जगजीवन ते भक्त कहाये, सतगुरु लीन्ह सिखाई ॥ ५ ॥

॥ शब्द २२ ॥

और कछु मंत्र नाम सम नाहिं ।

चलै न जिभ्या मुख नहिं बोलै, रटत रहै मन माहिं ॥ १ ॥

(१) जैसे बादल कितनाहीं मँह बरखाते हैं पर पत्थर के भीतर नहीं घसता इसी तरह जगत भेष को जितना चाहे उपदेश करो पर हृदय में असर नहीं करता ।

कोउ कासी कोउ जात द्वारकै, हित कर तीरथ न्हाहिं ।
 कोउ ब्रत दान अचार करै बहु, कोऊ तपस्यहिं जाहिं ॥ २ ॥
 तूरत बाहैं धौंच गगन मुख^१, उलटी धूम धुटाहिं^२ ।
 पीवत दूध दूब फल बन के, कंद मूरि खनि^३ खाहिं ॥ ३ ॥
 कोउ रहैं ठाढ़े कोउ रहैं बैठै, कोउ होइ जोगी जोग कराहिं ।
 कोउ जागैं निसि दिन नहिं सोवैं, कोउ दम साध रहाहिं ॥ ४ ॥
 जज्ञ राग रस निरत रंग कवि, ज्ञानी ज्ञान कथाहिं ।
 पंडित कथा पुरान बखानहिं, पढ़तै जन्म सिराहिं^४ ॥ ५ ॥
 माला मुद्रा भस्म लगावहिं, चंदन तिलक कराहिं ।
 सलिग्राम औ पीतर पुतरी, पूजि पूजि हरपाहिं ॥ ६ ॥
 एह सब करै सरै न भजन विन, मन थिर होवै नाहिं ।
 परहिं आय भौजाल फेरि फिरि, समुझि समुझि पछिताहिं ॥ ७ ॥
 सहज सुभाव रहै कौनिय विधि, अंतर विसरै नाहिं ।
 जस जोगी तस अहैं सँजोगी, भक्त सोई जग माहिं ॥ ८ ॥
 सदा बिस्वास नाम की आसा, तज विवाद वक ताहिं ।
 जगजीवन सतगुर के चरनन, अन्तर अन्तर नाहि ॥ ९ ॥

॥ शब्द २२ ॥

सब जग देखि देखि कै भूला ।

साधन कै गति पावत नाहीं, पड़े भर्म के सूला ॥ १ ॥
 करत साध सो करत देखिकै, मन आपन नहिं तौला ।
 दिन दुइ चारि दिखाइन सब कहैं, भूलहिं भूल हिंडोला ॥ २ ॥
 लागत नाहिं राम तें भागत, तजि कै नाम अमोला ।
 हौं गे अस्त उदय है नाहीं, ज्यों पानी क बबूला ॥ ३ ॥

(१) ऊर्ध्वबाँह आसमान की तरफ बाँह को उठा कर सुखा डालते हैं ।
 उलटे टंग कर धुआँ पीते हैं । (३) खोद कर । (४) बिताते हैं ।

परपंची परपंच करहिं जे, परा ते भव प्रतिकृता ।
जगजीवन एहि देखि तमासा, मतगुर छत्रि गहि मूला ॥ ४ ॥
॥ शब्द २४ ॥

सब जग दीन्ह धंधे लाय ॥ टेक ॥

जहाँ तहाँ लगाय धागा, खुद्वि गई भुलाय ।
जारि डारि संसार माया, लीन्ह सबहिं विरुझाय ॥ १ ॥
बिना दाया नाहिं छूटै, करै कोटि उपाय ।
पाँच और पचीस मिलि कै, अपथ गैल चलाय ॥ २ ॥
चुभे पाँवन कर्म काँटा, दरद भे अधिकाय ।
गये गल पचि नाम बिनु बहि, ज्यों बुल्ला बुंद बिलाय ॥ ३ ॥
करि कृपा मन खँचि लीन्ह्यो, राखि लइ सरनाय ।
जगजीवन सोइ भयो निर्भय, काल तें न डेराय ॥ ४ ॥
॥ शब्द २५ ॥

भे जे नाम भजि मस्तान ।

सदा लागी रहत तारी नाहिं सूभक्त आन ॥ १ ॥
दीनता गहि सीस वारे तजे गर्व गुमान ।
अबल कोऊ कहै नहिं तेहिं महा है बलवान ॥ २ ॥
काल तिन तें करत बिनती रहत सदा हैरान ।
कहत सब्द पुकारि कै सुनि मान ले परमान ॥ ३ ॥
रहत नीचे तकत ठाढ़े जहँ सतगुर निर्वान ।
जगजीवन गहि चरन मन तें, भये ताहि समान ॥ ४ ॥
॥ शब्द २६ ॥

कर मुकाम जहँ निर्गुन नाम ।

ए मन बैठि रहौ तेहिं के दिग,
तवही सुख पेहौ विस्तार ॥ १ ॥

उत्तम मध्यम तहँवाँ कछु नहिं,
 नाहिं छाँह नहिं अहै घाम ।
 पानि पवन उहँ भूख प्यास नहिं,
 नाहीं दुख नहिं अहै अराम ॥ २ ॥
 झलमल निर्मल निरख देखु तहँ,
 उत्तम बना गगन भल ग्राम ।
 जगजीवन डर नाहिं काल का,
 सतगुर चरन तें राखहु काम ॥ ३ ॥

॥ शब्द २७ ॥

मन महँ समुझि भजहु रे भाई ।

बिना नाम नाहीं सुख पैहौ, छाँड़ि देहु गफिलाई ॥ १ ॥
 बादसाह तख्त चढ़ि भूला, सूबा करत सुबाई ।
 राजा राज-काज महँ भूला, कबहुँ न बंदगी आई ॥ २ ॥
 साहूकार दाम तकि भूला, दाया जिन्ह बिसराई ।
 साँई खैचि लीन्ह सब माया, जहँ तहँ गयो बिलाई ॥ ३ ॥
 जोगी जोग जुक्ति महँ भूला, पंडित करि पंडिताई ।
 भोगी भोग पाप महँ भूला, सुधि बुधि गै बिसराई ॥ ४ ॥
 तपसी करत तपस्या भूला, मनुवाँ कसा न जाई ।
 पाँच साँचु माँ आवत नाहीं, मिले बबूरिहि जाई ॥ ५ ॥
 षट-दरसन दुनियाँ सब भरमत, जहँ तहँ तीरथ न्हाई ।
 घटत न कर्म रहत अध लादे, मन का मैल न जाई ॥ ६ ॥
 बिना नाम कोइ पार न पाइहि, कहे देत गोहराई ।
 जगजीवन सतगुर के चरनन, कबहुँ न मन बिसराई ॥ ७ ॥

॥ शब्द २८ ॥

अरे मन अंतै कतहुँ न धाव ।

रहै अंतर प्रीत लागी, जन्त सब विसराव ॥ १ ॥

तीन चौथ बनाय दीन्ह्यौ, नाहिं जान्यौ आव ।

पाय औसर चूकु नाहीं, इहै आहै दाव ॥ २ ॥

तीर्थ व्रत और दान पुन्यं, एह न मन में लाव ।

एह सब अहैं गुलाम भक्त के, सोस नाहीं नाव ॥ ३ ॥

त्यागु सर्वस आस मन तें, गगन गाँव बसाव ।

जगजिवनदास निहारि मूरति, नयन दरसन पाव ॥ ४ ॥

॥ शब्द २९ ॥

जो कोइ यहि विधि तोरथ न्हाय ॥ टेक ॥

मन का मैल लेइ मिसाय^१, तब तिरबेनी घाट अन्हाय ॥ १ ॥

माया मोह दान दै डारि, काम क्रोध मद देइ लुटाय ॥ २ ॥

काहे क कासी गंगहि जाय, नाम तें मैलहिं डार छुड़ाय ॥ ३ ॥

जगजीवन दास कहै गोहराय,

बिन सतगुरु कोउ पार न जाय ॥ ४ ॥

॥ शब्द ३० ॥

ऐसी डोरि लगावहु पोढ़ि ।

टूटै डोरि लेहु फिरि जोरि ॥ १ ॥

जब लगि मुख तें कहिये बात ।

तब लगि नाम विसरि मन जात ॥ २ ॥

जग प्रपंच संगति नहिं करिये ।

हिये नाम की रटना धरिये ॥ ३ ॥

चित माँ चित जो राखे लाय ।

ता पर काल कि कलु न बसाय ॥ ४ ॥

जगजीवन के चरन आधार ।

सतगुरु संत उतारहिं पार ॥ ५ ॥

॥ शब्द ३१ ॥

बिन वहि नाम तरै कोउ नाहीं ।

देखहु समुझि बूझि मन याहीं ॥ १ ॥

तीरथ व्रत बहु भौंति कराय ।

जो पै अन्तर देखि न पाय ॥ २ ॥

जल तन धोय मैलि गा धोय ।

मन यहु नाम तें निर्मल होय ॥ ३ ॥

भूले करि पट कर्म अचार ।

याही तें भूला संसार ॥ ४ ॥

सहज डोरि जो राखै लाय ।

अंतर भजि तब शक्त कहाय ॥ ५ ॥

भूठ साँच बहुत नहिं डोलै ।

रहि जग अपने मारग डोलै ॥ ६ ॥

रहै छिपित नहिं देह जनाय ।

तब भजि अंतर शक्त कहाय ॥ ७ ॥

गर्व गुमान त्यागि चलै चालू ।

दुख तेहिं देह न कबहुँ कालू ॥ ८ ॥

जगजीवन निर्मल निर्बान ।

सतगुरु चरन रहै धरि ध्यान ॥ ९ ॥

॥ शब्द ३२ ॥

मनुवाँ रहहु जिकिरि लगाय ।

और आस न राखु एकौ, देहु सब बिसराय ॥ १ ॥

कथा ग्रंथ पुकारि भाषै, देत संत सिखाय ।

नाहिं एहि तें कछु उत्तम, त्यागि दे अमताय ॥ २ ॥

तीन त्यागहु चलो चौथे, सहर अजब बनाय ।
 राति नहिं तहँ दिवस नाहीं, अजब दिस पुहाय ॥ ३ ॥
 बैठि गुरु सत तख्त पर, तहँ रहो सोस नवाय ।
 जगजीवन तहँ निरखि निर्मल, वरनि नाहीं जाय ॥ ४ ॥

॥ शब्द ३३ ॥

सत्त नामं तत्त निर्मल, सुमिरहु मन लाइ ।
 करै जाय अनेग कोइ कहू, अवर नहिं समताइ ॥ १ ॥
 दान पुन्यं जज्ञ व्रत तप, तीरथ कोटि अन्हाइ ।
 पार नहिं वहि नाम बिनु, सत सब्द आपत गाइ ॥ २ ॥
 पढ़ै कोउ पुरान पाठं, ज्ञान कथि कविताइ ।
 किरति परगट कहन कहिये, नाहिं यह भगताइ ॥ ३ ॥
 जानि छानि जिन नाम रसना अनत ना चित जाइ ।
 जगजिवन दास ते भक्त भे गुरु चरन रहे लिपटाइ ॥ ४ ॥

॥ शब्द ३४ ॥

ए मन जोगी बैठि मढ़ी जपु राम ।
 करता की गति काहु न पाई ।
 नौ खिरकी दस दियो बनाई ॥ १ ॥
 तीरथ व्रत कहँ कतहुँ न धाव ।
 नेम अचार विचार बहाव ॥ २ ॥
 पचीस जोगिनी चेला पाँच ।
 तिन पर रहै आपनी आँच ॥ ३ ॥
 जगन्नाथ तें अपने जानु ।
 काया दासी और न जानु ॥ ४ ॥
 प्राण प्राण तिरबेनी वास ।
 और न दूजी राखहु आस ॥ ५ ॥

अजबै सदी बनी जोगान ।

हृद आसन निरखहु निर्बान ॥ ६ ॥

अमी नीर ले नैन तें पाइ ।

कर्म भर्म अघ सब मिटि जाइ ॥ ७ ॥

जगजीवन यह मति अनुरागु ।

आदि अंत गुरु चरनन लागु ॥ ८ ॥

॥ शब्द ३५ ॥

सुमिरहु मन राम नाम चित लाइ ।

बिन वहि नाम नाहिं कोउ तरिहै, कहत अहाँ गोहराइ ॥ १ ॥

जज्ञ दान व्रत तीर्थ तपस्या, जगत भर्म सब आइ^१ ।

बाहर ढूँढ़े नहिं कछु मिलिहै, रहु अंतर ठहराइ ॥ २ ॥

धावहु ना कहूँ आवहु धिर है, बाहर फिकिर बहाइ ।

कर परतीत रीत संतन की, मिलिहैं तबहीं साँई ॥ ३ ॥

कहे सुने नहिं भटकसि कबहूँ, जगत बदी अधिकाइ ।

सिखि पढ़ि सुनि कै बातें बहुती, सजन मनहिं बिसराइ ॥ ४ ॥

रहु जानत मन नाहिं जनावहु, रहहु अभेष छिपाइ ।

जगजीवन सतगुरु काँ निरखहु, चरन रहहु लिपटाइ ॥ ५ ॥

॥ शब्द ३६ ॥

सतगुरु तुम मोहिं सिखायो ।

सो सिखि मैं सोई गायो ॥ १ ॥

अब मोहिं आपन करि लीन्हा ।

मैं सीस चरन तर दीन्हा ॥ २ ॥

मैं आदि अंत का आऊँ^२ ।

अब सुमिरत आहूँ नाऊँ ॥ ३ ॥

एहि कठिन नदी है धारा ।

तुम अब कि उतारहु पारा ॥ ४ ॥

जगजीवन दास तुम्हारा ।

मैं सीस चरन पर वारा ॥ ५ ॥

॥ शब्द ३७ ॥

साधो का कहि सब्द सुनावै ।

सब्द है साँच माँच^१ कहि भाषै,

काहु के मन नहि आवै ॥ १ ॥

जग सब अंध कुमारग डोलहि,

चेत हेत नहि लावै ।

हिय कठोर पाषाण अहे बहु,

नाहीं सब्द समावै ॥ २ ॥

भेख अलेख^२ बहुत है दुनियाँ,

करि कै स्वाँग दिखावै ।

आसा भूँठ लाय सब बाँधा,

नाहि निरंतर गावै ॥ ३ ॥

कोई तीरथ बरत तपस्या,

जहाँ तहाँ कहँ धावै ।

जल पषान की आहै पूजा,

अमि अमि जन्म गँवावै ॥ ४ ॥

अजपा जपत रहै बिन जिभ्या,

कबहुँ नाहि बिसरावै ।

जगजीवन पहुँचा चौथे पद,

गुरु कहँ सीस नवावै ॥ ५ ॥

॥ शब्द ३८ ॥

नाम मंत्र सम नाही कोय ।

प्रगट पुकारि कहत हों सोय ॥ १ ॥

अंतर डोरी राखहु लाय ।

सोवत जागत बिसरि न जाय ॥ २ ॥

बोलहु नाहिं बहुत बतलाहु ।

अंतर भजि ले याहै लाहु^१ ॥ ३ ॥

जो पै कोटिउ तिरथ अन्हाय ।

मन का मैल तबहुँ नहिं जाय ॥ ४ ॥

करै तपस्या तन काँ जारी ।

नाम बिना गै सबै बिगारी ॥ ५ ॥

दूध पियहि तस मूरिहि खाय ।

भावै घर माँ खाथ अधाय ॥ ६ ॥

जगजीवन बिस्वास बस राम ।

तेहि कौ सुफल सिद्ध भा काम ॥ ७ ॥

॥ शब्द ३९ ॥

राम क भजन करहु मन माहीं ।

जीवन जन्म सुफल जग माहीं ॥ १ ॥

भूलहु नाम न तव सुख पाय ।

राम मंत्र सुमिरहु मन लाय ॥ २ ॥

बिनु सुमिरन गति मुक्ति न होय ।

सब्द सत्य कहि भाखत सोय ॥ ३ ॥

सुमिरत ब्रह्मा सुमिरत सेस ।

सुमिरत गौरी और गनेस ॥ ४ ॥

सुमिरत, बिस्तु जोति मन जानी ।

निगुन निर्मल सो पहिचानी ॥ ५ ॥

जगजीवन सतगुरु कौ ध्यान ।

निसु दिन रहौ चरन लिपटान ॥ ६ ॥

॥ शब्द ४० ॥

सत मत कहत अहौ सुनाइ ।

तत्त सार विचार कीन्ह्यो नाम रटना लाइ ॥ १ ॥

बेद ग्रंथन छानि लीन्ह्यो भर्म नाहिं सुलाइ ।

बैठि हठ है जुक्ति माहीं आस सब बिसराइ ॥ २ ॥

नाम की गति कहौ कहँ लौं सेस संभू गाइ ।

करत बरनन ब्रह्म मन यहँ बेद परगट गाइ ॥ ३ ॥

तीनि त्यागै साध जन कोइ चौथ का घर पाइ ।

जगजीवन गुरु चरन गहि कै बैठु थिर है जाइ ॥ ४ ॥

॥ शब्द ४१ ॥

मन महुँ जाइ फकीरी करना ।

रहै एकंत तंत तैं लागा, राग निरत नहिं सनना ॥ १ ॥

कथा चारचा पढ़ै सुनै नहिं, नाहिं बहुत बक बोलना ।

ना थिर रहै जहाँ तहँ धावै, यह मन अहै हिंडोलना ॥ २ ॥

मैं तैं गर्व गुमान बिबादहिं, सबै दूर यह करना ।

सीतल दीन रहै मरि अंतर, गहै नाम की सरना ॥ ३ ॥

जल पषान की करै आस नहिं, आहै सकल भरमना ।

जगजीवन दास निहारि निरखि कै,

गहि रहु गुरु की सरना ॥ ४ ॥

॥ शब्द ४२ ॥

साधो सुमिरहु नाम रसाला ।

बकबादी बेबादी^१ निंदक ।
 तेहि का मुँह करु काला ॥ १ ॥
 साखी सब्द जोरि कै लीन्ह ।
 जहाँ तहाँ ले भ्रगरा कीन्ह ॥ २ ॥
 भजहीं नाहिं बकहिं अधिकार ।
 बाझि रहे माया के जार ॥ ३ ॥
 सूकर स्वान बुद्धि तेहिं आइ^२ ।
 नहिं उद्धार नर्क परै जाइ ॥ ४ ॥
 करहीं बहुत गरब अभिमान ।
 ता तें बिसरि गयो वह ज्ञान ॥ ५ ॥
 भेष अलेख अंत कछु नाहीं ।
 तिन तो गर्व करें मन माहीं ॥ ६ ॥
 करि दिनताय नवै सिर नाइ ।
 तबहिं सुमति कछु उपजै आइ ॥ ७ ॥
 जगजीवन दास देत उपदेस ।
 नाम भजहु तब मिटै अँदेस ॥ ८ ॥

॥ शब्द ४३ ॥

अन्तर सुमिरहु नामहीं बिसरावहु नाहीं ।
 मूल मंत्र ईहै अहै बसि रहु तेहिं माहीं ॥ १ ॥
 देखहु दृष्टि पसारि कै कोऊ थिर नाहीं ।
 नीरहिं तें पैदा भये फिर खाक मिलाहीं ॥ २ ॥
 कर्म फाँस सब जग पर्यौ कोउ छूटत नाहीं ।
 छूटे कोउ कोउ दास जन जुक्ती जिन माहीं ॥ ३ ॥

(१) बिबादी । (२) है ।

डोरी पोढ़ि लगाइ कै सतगुरुहिं मिलाहीं ।
जगजीवन अस निरखि कै चरनन लिपटाहीं ॥ ४ ॥

॥ शब्द ४४ ॥

ए मन नामहिं सुमिरत रहौ ।
परगट भेद न काहू कहौ ॥ १ ॥

परगट कहे नाहिं भल होइ ।
सुमिरन मन तें जाइह खोइ ॥ २ ॥

परपंची निंदक तें दूरी ।
तब सुभ भजन होइ भरपूरी ॥ ३ ॥

बकवादी बीबादी त्यागू ।
सत्त सुकृत नामहिं में लागू ॥ ४ ॥

यहि तें सुख नाहीं अधिकारा ।
कहै पुरान औ ज्ञान बिचारा ॥ ५ ॥

सबहिन कहा पिया सो जिया ।
जिन केहु भक्ति माँगि कै लिया ॥ ६ ॥

सतगुरु के चरनन लिपटाना ।
साधू सोई भे निरबाना ॥ ७ ॥

जगजीवन करि प्रगट बखान ।
गुरु के चरन तजि भजहु न आन ॥ ८ ॥

॥ शब्द ४५ ॥

इत उत आसा देहु त्यागि ।
सत्त सुकृत तें रहहु लागि ॥ १ ॥

मन तुम नाम रटहु रट लाइ ।
रहु सचेत नहिं बिसरि जाइ ॥ २ ॥

काया भीतर तोरथ कोटि ।
 जानि परत नहिं मन की खोटि ॥ ३ ॥
 ठाढ़े बैठे पग चलाइ ।
 तस पौढ़े^१ चित अनत न जाइ ॥ ४ ॥
 रात दिवस धुनि छूटै नाहिं ।
 ऐसे जपत रहहु मन माहिं ॥ ५ ॥
 गगन पवन गहि करहु पयान ।
 तहवाँ बैठि रहहु निरबान ॥ ६ ॥
 गुरु के चरन गहहु लिपटाइ ।
 निरखहु सूरति सीस उठाइ ॥ ७ ॥
 या है ब्यापि रहे सब माहिं ।
 देखत न्यारा कतहूँ नाहिं ॥ ८ ॥
 जगजीवन कहि मथि पुरान ।
 यहि तें सत मत और न आन ॥ ९ ॥

॥ समाप्त ॥